



特へ 16
2752
4



門 18
卷 2752
4

舟州山人四部稿卷之四

吳郡王世貞元美著

詩部

擬古樂府七十五首

漢郊祀歌二十首

練時日

練時日帝徵祥血管殿醴齊芳闢天扉章上馳森肅
肅靈來思况崇蘭砌赤瓊注神光靈之宮曳紫旒冠
翠華雷霆激靈之車駮若組轡捷舞左右射靈之御
佩瑤錯履珠遺紛濟濟靈之贄掄阿錫吐芳潤巧笑

昭和十六年
十一月十九日
購求

清靈之騰靈之暑奏清徵飛霜激粟余體靈之夕籥
珠爛鑿毛髮炯若旦靈連捲若有顧精流屬詣余慕
倏而翔將安逝願偕女霄以詣

帝臨

帝臨紫宮萬祗竦息天閭穆穆以候舒闢神颺徐流
爰簸芳澤天喬飛走厥性咸若七曜孔儀九溟不波
恬穆象先徂祥太和

青陽

青陽開亥太皞司始窮陰夕遯農祥晨啟甲張氣飛
仰希大布條風披盪悅若寤寤敢假羲仲爰薦羊麥

二有熙熙唯春之錫

朱夏

朱夏蔚蕃炎帝司亨蟄以承離萬有茂明嘉雨霖霖
惠施下土汙萊剪削駕鼠伏甯敢假羲叔薦鷄逮菽
庶我蒸藜無替景福

西顛

西顛澄素少皞司收萬寶堅強秀穎內道芄芃禾黍
登我場圃既徵既獮見詰外侮敢假和仲爰薦麻犬
神之庇之柔通能遠

玄冥

公巨之 勁頤頊司藏肅將天烈凋劫萬象堙戶坏城
畜天喬反始伏蟄欽育敢托和叔薦夙與黍
毋泄其真以為物媪

惟泰元

巍巍壽宮瑤瑰其闈於惟泰元稱天之尊朕始無極
厥朕泯泯兩儀漸闢五序因循疑精為曜微者星辰
氣噫而風亦潤以雨霏霏霧露粉澤下土夫喬鱗羽
順性歸所涵泳熙沐忘已繇造惟我思媚式獻以報
玄酒既熟爵鬯斯馥有鮮者犢寔鬻其角是裸是燔
取彼羶薌以達霄潢庶幾來翔玉弁俄俄瑤瑄洋洋

延庇億年總齊萬荒

天地

於皇上帝以逮富媪惟予有况爰父爰母靡嘉不承
博施九紘歲是用登百秩繩繩顯相列辟秉肅穆燎
蕪爨黷成霧幄回干接翟散金輝下管鏞鼓竹歌絲
瓌然接之泗濱浮玉皦如繹如究而不絕肥芻之健
芍藥漿亨秬粃有饗饉玄酒清苾柰樂何展詩奏音
發升歌含宮調角商徵多窈眇流梁激塵飛豐隆擊
節風伯和玄黃改色尊頽醜朱鳳委羽雍雍鳴赤龍
天矯迅長征垂休肇貺示炎禎神夕逶迤嘉孔明

卷之四
三十一

日出入

日出入浴咸池度白石令我不得休息故令應龍在
吾東格澤在吾西長離在吾南玄武在吾北為我駢
駕虛無遨游太清都下視濁世一如浮蛆我欲返不
得歡娛安用憂愁悲思且為娛

天馬

帝圖協天馬生配乾行函地精歆明玉汗殷赭房為
祖龍為父爭迴颺掣流電晨瑯琊夕沙苑

又

天馬徠來中國超虛無躡悅忽天馬徠歸有道飛而
黃眼余阜天馬徠誰攻爾造不足震劉累天馬徠迅
若禽拂一竅萬馬喑天馬徠出陰山六羸死金人還
天馬徠余與女踰崑崙謁王母

天門開

天門旭呀然豁竅混沌金精發焱若電燭潢漢十二
樓裊魚貫琉璃蹙堦火齊塗圮光液四射不可仰視
屏翳走灼灼馳霓晡靄若搥支朱明躍以東起織阿
迫以西垂白榆歷歷河之湄天漿滌泐示昭儀天門
開朝紫宮中有使者冠芙蓉朱衣壁簡縹湘青類有
疑無觸若冥將上帝命况群生顓精稽懇臚所希惠

我來思庇蒸藜皞皞帝功歛希夷

景星

煜煜景星爰燦其蓋休光灑蔚以開瑞始昔在強羸
鼎窳於泗炎德茂明汾睢是吐人文屬空金精流融
百象窳呈湫悠天工刷以純茅錦承之錯奏匏管文
以絲酸鵠騰鳧二牢披糗餌甘芬行稻粢九醞泠泠
寫瓊卮神露湛湛布柯枝河伯拜享前致辭唯帝蕃
錫鄙敢私九有穰穰被恩釐家有蓋藏闡書詩樂哉
君王萬歲期

齋房

煜彼三秀產自齋房后皇儲精通發帝祥律中金石
于霞有爛肩以玄飴後天之薦

后皇

后皇訢合昉孳兆因唯是慈愛私於我人降假明辟
拼乂式廓徂蠻逮貊靡屆不格

華燁燁

華燁燁醞澄鮮神下來辭鈞天帝親饗奏清縣神下
耒度九閼龍伏蚨豹續繡神下來空中躡雲羽旂風
瑤瑟神下來史巫舞擘嘉眇行齊酤神下來脩娥侍
睟騰媚鬢若黛神安坐燎九藟靈虬吭吐氤氳神欲

休博山牀帷流蘇角明璫神之逝旌裔裔車斑斑馬
沛沛神之愉錫土田踰敦煌抵崑崙躡恍忽乘飄瞥
流翠眊汾之滢望若覲不可即使余怙怙安極

五神

五神帝佐太乙肅象禦揚清蹕左青旂右白旂前朱
芾後玄圭誰者尊服中黃靈之朝肅然風臞神臬體
冥羊鬯鬱金吐芬芳意恍忽精披靡若將翔復麗體
爾沉雲醞靈霈報休會澤無外

朝隴首

朝隴首蒐大芦帝沛祥白麟降嶷脩角文周定萬走

憚共余命駮玉輅導鸞旂左赤豹右青狔踰弱水寶
金母霞醴汎雲璈舉頰東牖顧中原杳如髮漸不歡
御嫖忽掩飛世耳留蹕目窮旆朝玄圃夕沙墅坐明
堂舖四海

象載瑜

象載瑜角其牙越崑崙度流沙飄若霞赤鴈儀尾若
芾聲中規秣者誰芝田禾薦宣房萬福來

赤蛟

帝臨渤衝波却縠天弧張廣樂赤蛟來俛其角芬宰
醴旨且博胡以薦酌海若露飄灑雲容裔澹復端靈

之醉靈訢訢來媵予應昌符啟甘澍報豐歲多稔黍
箱陳陳萬億稊救陽侯波不芒導出日際窮荒陳玉
帛至梯航赤蛟來靈柔之千萬禩思禎期

漢鏡歌十八曲

朱鷺

朱鷺矯以翔倏如騰光騰逝耶之胡際耶曷不思翔
高而盡下彼茄之畔魚游雅雅茄蔽上矚謂是藏止
他人之怵思恬堊厥喙

思悲翁

思悲翁徂何之玄雲晦陰霜霰如期山耶溪耶斧枯

網冰于胡不歸炊糜作飯翁不及飯胡不從之游將
廬井是挽

艾如張

艾而張羅人之馬饑誰令艾之令禽驚殲飛羅不得
禽謫子無處禽大謹喜復集于所將禽與子齊適天
地置酒高堂中願爾百千萬歲

上之回

上之回至祠雍千靈洽百辟從上何以幸雍仁必世
帝禧鍾西臣流沙安息條支都梁鬱金符拔後倪南
蕩百粵下瀨蒼梧孔翠桂靈明珠珊瑚諸夏安服奇

齊州山人集卷之四

珍咸集降王母假太乙答神既行齋祀金支彩旒
不見際庸作歌耀萬世

翁離

擁離趾中築宮其顛高天無風自寒念欲移彼巖壑
之間何用重築宮杞梓榱桷豫章富奇材寧不知蕙
與蘭芬且芳將固焉哉

戰城南

戰城南城南壁黑雲壓我城北伏兵搗我東游騎抄
我西使我不得休息黃埃合匝日為青天模糊鉦鼓
發亂謹呼虜騎歛颼迅驅樹若薺草為枯啼者何父

收子妻問夫戈甲委積血淹頭顧家家招魂入隊隊
自哀講告主將主將若不知生為邊陲士野塋復何
悲釜中食午未煖惜其倉皇遂長訣焉得一飽為野
風騷屑魂依之曷不覩主將高牙大纛坐城中生當
封徹侯死當廟食無窮

巫山高

巫山高一何高湘水深一何深上有猗木森森峰冠
天易暘陰流清夢托君音含思弄態若不任翠旗金
支玳瑁簪疑明乍晦迥何尋寓目岑岑蕩精淫迫欲
近之殆驚猜將遠離之復徘徊安能為期旦暮來巫

山高高以峻湘水深深以大願君王志意正澹愉穆
絀非境後天不凋三光並

上陵

上陵一何高高巨天宮闕武夫璘班又有青龍白獸
列峙雲端銀海汎瀾金鳧游戲其間謂不如乘龍而
見上帝賜藥一丸令汝遨游自然肅肅橋陵豈藏衣
冠壽千萬歲樂不可言

將進酒

將進酒乘大白皇帝百千萬年垂衣御極輕刑稅陳
禮樂父不哭子戰鬪長息原田憺憺于何不獲童行

至老訢訢曷頗挹青陽蒸太和露為漿斗斟之一再
舉霜顏醅青天流眸忽為慶雲嗟彼麴蘖胡以云

君馬黃

君馬黃臣馬白銜金羈度紫陌秣流沙逕崑崙宴王
母瑤池濱餌靈饌天樂一何殷殷辭歸東土和洽諸
夏期以三載復米晤女君餌靈饌貌青於童臣賤眉
宇颯如秋霜安能御君驅馳八荒

芳樹

芳樹一何亂予思扶疎石碣柯下臨蘭池上有一雙之
鳥丹趾而翠衿自名為鸚鵡若怨似矜態何深繳鷲

九州山人集卷之四
世經堂刻
之令彼不得奮飛嗟我不得奮飛隴山遼遼望難歸
雖有四海志翻及翅剪竟焉施

有所思

有所思乃在大海之北卒然太行起若立壁驅車畏
軸折驅馬畏蹄及豈無朱宮貝闕黯黯或成碧有所
思思紛來其端類絲或紕之手弄一白珪云彼昔所
治手弄之三載不忍釋漸成壁一心為一心安能兩
相測嚴霜下青陽晞朱華剝落不自持

雉子斑

雉子斑離其母來遨游田間田間多稻禾人於其所
復張羅倏忽被繫不能高飛前有鳥乃是其母羽毛
摧披大堪哀迫欲救之已焉哉相答此稻禾為主復
為菑曷不覩南溟垂天之鳥千里萬里一徘徊雖有
增繳青天曷猜

聖人出

聖人出奉昌期百六邁九五歸白帝死赤龍飛指函
谷度嶠坻封府庫戰兵師戒父老起傷痍五諸侯從
義旗獵天狼網妖鴟裂茅胙鞏鴻基垂百祀永無為

上邪

上邪與君相知譬彼結髮而盟山摧海枯志不移白

日迴曠肝膈洞披我手若腕用不得私車輪壞馬足
罷東家宴西家毀何用錢刀立積橫金垂紫齷齪爲

臨高臺

臨高臺瞰橫江井幹百尺鬱連空下何以江上何以
空不有北泳之魚必有南逝之鴻望不極兮意無終
織烏西兔投東袖中有短札漸將陳口語數百千言
削爲數言復湮淪秦箏揚趙瑟侍曷不歡各心意人
何樂樂得遂

遠如期

如期招四夷皇帝坐殿上麒麟辟邪符拔駒駘拖

沓馬施弛苑園付民居詔司農罷龍輪臺皇帝坐殿上
千羽舞兩階群臣上壽玉卮單于來單于來

右流

石流者何湯湯使者來自扶桑赤日所起爛爛鑠金
而沃焦地不愛寶石來獻膏汎恒沙攀懸度奉明主
餌之與天齊數

岐山操

哀哀我民愚聖狎主余之弗庇忍以貽虜率西水滸
至於岐下伐材中林陶瓦聖土民未休舍余敢寧處
顧視周原厥田膺膺是蕉是蓼以待來者

拘幽操

雷霆紛如日晦醫兮天威方煽庸敢怠兮不知紀曆
寒暑遍兮潛志消息悅驚寐兮庶幾君王一感悔兮
臣不愛死虞聖累兮

文王操

矯矯長離將翱翔兮肅雝和鳴中宮商兮奉玉威靈
揆不庭兮庶邦子來後夫亡兮上帝臨汝敢違靈兮
地道無成中心傷兮

箕子操

于嗟王子跳兮生以係我宗祧于嗟王子殞兮死以

殉我社稷嗟余之不及兮默默以苟存棄道毀節兮
離人倫余貞疾兮敢望瘳晦日垂照兮沒齒奚尤

採薇操

上山採薇斧冰炊之曠蕩八垠顧瞻若縻何所非人
季昆是依達者互賢曷救其非句吳之鄉彼髡庶幾

越裳操

赫赫文考秉德淵冲奕世而仁八荒來同彼荒越裳
侏儻其音何以贊我有斐馴禽馴禽伊何耿介縈茂
言薦文廟言擾靈囿厥雖喔喔厥羽鶴鶴天質應金
其音中角嗟予小子敢尸國祥無怠無荒敬勗嗣王

龜山操

龜之山吐雲蔽龜山兮彼龜不知以雲藩兮子望魯
社龜兮間之君臣交賢誰兮辨之噫

將歸操

美哉水洋洋兮中有潛龍變無方兮餌欲蔽靈黯行
藏兮黽蝘伏窺胡弗祥兮盍歸乎來惠吾黨兮息魄
虞淵衆趨冥兮加我數年紹餘光兮

倚蘭操

猗猗叢蘭芬於幽阻彼美蘅杜風所掄吐芄芄未黍
罹此暑雨槁寔不恤世有饑者徘徊九方靡即寧處
君子悅心不在爵土嗟余已邁歸從蘭所

殘形操

有夢維狸兮而殘其形吉兮胡祥灾兮而使我怍營
臨深淵兮履薄冰奉先人遺兮敢隳成

履霜操

皇旻佐威兮夜隕霜直履茄衣兮透若亡霜胡為兮
加憐悽君晨朝兮毋粟乃肌欲自明兮傷君志淚滂
沈兮念宗祀

雉朝飛

有雉朝雊兮呼其雌角角粥粥兮光陸離我欲呼兮

應者誰陽春被天兮蹇獨憐悽西鳥欲沒兮余將安歸

別鵠操

雙鵠摩天兮翼中卑臨當訣兮感化離有子無子兮帝命之輕棄置兮誰適為妃

采芝操

坡陀崇阜草木菁茂疇其饒者郁郁三秀皇帝創始功冠萬古唐紉虞紉巢許不知我以為芝人以為薇扣鑣長謠白雲沾衣

霹靂引

七曜受署五氣調八荒來同萬國朝後來防風伏歐

走馬引

山空兮狗不吠雞不啼馬胡來兮躑躅而悲嘶天馬警余兮以徙余敢窻止

思歸引

一曰離拘操

不覩宮中貴安知妾家貧火齊飾交疏蜀錦充下陳玉饌不能名蘭膏自氤氳

一解

新王富春秋炫飾奪

朝霞奉妾金條托永願托姻婭三千蛾眉女一一讓容華

二解

妾人坐恹恹恹恹如探湯目視等埃塵腸

類乃矢攻蚤奉父母身為禮以亂終
三解 淇水浩無
津方舟曷相援先王未面命何以待
黃泉怍營深宮
裏天地狹如弦
四解 殺身良不易苟遇誠亦非引領
就高縣黃鳥為哀啼我欲竟此曲此曲令心悲
五解

又

思歸引歸東吳鼓余翼遨翔恣所如泛七澤凌五湖
覩我釣所中悅愉雲鬱術波縈紆惟天燭星無恒居
浮家水獵樂有餘宜城稻松江鱸頰奏殮妾湛酤飽
鳴琴醉呼盧

榜柁歌

張翠蓋兮汎青翰榆脩裾兮氣芬芬其以蘭口欲吐
兮中闕之中心慚惶兮貪奪之顧微賤兮馬匹離君
心妍兮自色飛

採葛

欲明不明聞杼機卧薪君王來起之我今採葛以後
時
欲明不明聞錯斜卧薪君王日不休我今採葛以消
遥

精列

獨何之天地相讐詛其間安得怡其間安得怡亮懷

卷之四
十五世歷堂刊

千秋嚮馬能度一時願攀飛龍翼故里以徘徊故里
以徘徊飛龍騰天去鯁鱸來相依鯁鱸來相依眸子
向內生誰為辨雄雌誰為辨雄雌和光同其塵老氏
我所師金石隨年銷真人曠無期

對酒

對酒歌少年白髮蒙其顛四坐且勿喧躑躅吞藪內
相憐欲有叙家世二千石乘朱輪者將十人弱冠明
經射策甲第為郎無狀偃蹇不遷無蔽芾以歲其朱
顏絳灌將相大臣自愧其妍側目而娟娟安令文墨
操吏權斥之去一徃勿復言慚無曹生之策彷徨公

車靡階以自前月請囊粟十百錢陛下萬壽小臣歸
田

日重光行

日重光拂扶桑耀嶠夷日重光天老乃復洗沐之日
重光左右五色菌離披日重光燦若明鏡火齊日重
光萬象同志仰昭回日重光告羲和勿頻揮日重光
留爰且為中日重光覆盆之燭鄙所希

月重輪行

繚繞霞虹太清之府燭龍者何煌煌炯若虞帝華瞳
飛鞅不周以方羲馭陛下皇后坐宮中各百千萬歲

步出夏門行

六神諸山淪漣大壑北風勃來簸蕩不息帝命巨鰲
更負危揭冠簪東出以為碣石燭龍雙眸以為日月
下苞蒼蒼浩蕩靡極幸甚至哉歌以詠志

右觀滄海

孟冬十月王師振旅旌旗揚天鞞鐸萬舞橐駝駟駟
不知紀數犀毗黃金跪而銜組歸馬華山放牛桃林
大舖三日黔首懽霽幸甚至哉歌以詠志

右十月

西游秦中板屋以處東折宋魯逢掖章甫斷髮文身

以凌句吳燕趙慷慨彈鋏歌呼八方異施等若五特
義問休暢所底如歸幸甚至哉歌以詠志

右土不同

神龜支牀生理中絕不如剗腸逝而見笑干霄之材
謚曰檉櫟風雨飄颻狐鳥托處縱生而雄厥名丈夫
安能百年與飲食俱幸甚至哉歌以詠志

右龜雖壽

平陵東行

鬱鬱平陵樹日夜生秋風風聲一何悲樹色何朦朧
不敢出聲啼掩咽歌義公平陵多貴豪不為商與農

黃綬二千石墨綬侍中郎出用牛車載戶用金碧蒙
老少六七輩氣色何昂藏口但新室臣何論我高皇
嗟哉義公里榛棘復汗潢狐兔歡索群魚鱉亦來宮
安得冥途軌側身以相從 右本旨

又

平陵東車隆隆郭家小兒塋若翁塋若翁來送喪誰
其最賢槐里公槐里公多奇客迅如飈鷹虎如力虎
如力卒夷滅曷不將去擊胡貊

又

平陵東誰最雄父為丞相子侍中子侍中氣成虹黃
金不歸大司農大司農走錢龍承相之室金為梁金
為梁玉為地曷不舍去居天子

王子喬

王子喬變化白鶴長逍遙變化白鶴長逍遙下游來
王子喬璠玉為衣砂為冠垂玄裳朝謁紫清軒轅大
道皇誰者介廣成老公授爾浮丘之伯令爾吹笙復
鼓簧下視塵界三千霜今上聖靈發百祥安期之鹿
離哉雙胡弗至止相翱翔侑以紫芝薦瓊漿栢梁之
臣前奏章今上聖靈永無疆離披短翮角殷璘喏欲
報帝還靡因

桂之樹行

桂之樹桂之樹乃在蒼梧之陽嶺曼衍而峭崿翠羽
為葉蒼虬為株萼何葳蕤蓋敷黃如黃金粟赤如珊瑚
珠珠桂之樹僊者四五人駮駕鳳皇來謂是日精月
華教爾采服不衰一歲口澤馨二歲體骨輕三歲毛
羽生朝見上帝賜女麟車霓旌翱翔玉虛太清翱翔
太清天為樂不可言

釣竿行

饑飯渭水旁渴飲渭水流大魚絕餌去小魚不回頭
不知何王子施施來上釣

滿歌行

為善無近名不見古人遜天下躬耕逃之渭水洗耳
見輕又言為惡無近刑不見古人狎狂漆身清質濁
文卒稱逸民桓文假仁乃霸四海盜跖脯肝以牖下
死乾坤失信剛柔安紀五星背纏焉所照理我欲為
善善不可為我欲為惡惡非所知刑名之間余其庶
而何以導之儀狄我師棲山得玉將削而足溷海得
珠將剖而肉不如種田畝得秫與粟家蓄五母雞二
母彘一日一飽三日一醉出則止野歸則止舍不知
有天無論在地東隣送喪西隣生兒寒暑為罍風雨

鼓之銷冶紅顏以就衰羸曠視今古曷如蜉蝣智者
亡何聊以不憂王孫達生厥師莊周莊周怖死抑孰
與傳

空城雀

雀不能飛向天又不能游深淵胡為刺促草莽間曷
不愧其朝東而暮西決翼僅尋丈槍榆為天池皇皇
者何憂稻梁田家采且正高張何不舍去復彷徨志
命相就羅襖殃

蛺蝶行

蛺蝶來踰苑牆為是百卉芬芳悲哉蛺蝶不覩百卉
但覩翩翩之燕啣哺其子燕有三子忽失其二燕乃
舍我而東西仰見一老鷗耽耽下視喙血流離蛺蝶
聳身而奮飛顧謝此燕始謂爾彊曷不更哺其子令
我擲揄道旁今日樂相樂別後莫相忘

舟州山人四部稿卷之五
二十一 世貞堂刻

舟州山人四部稿卷之五

吳郡王世貞元美著

詩部

擬古樂府五十九首

西門行

出西門塚纍纍車中幸有酒不飲奚之但復飲沈醉
當自知焉能前騶後殿束縛乃翁為雷大鼓多鳴笙
試問冢中枯骨不為起聽飛霜激流徵六月清霜零
即呼道傍子為我辨其聲雖無故人鍾子期但操山
水中所私雖無故人鍾子期但操山水中所私相逢

舟州山人四部稿卷之五
世貞堂刻

俠邪路輪仄傷馬蹄與君非一體何用不相疑

又

步出城西門但見兩兩垂楊高枝自相樛低枝亦成
行昔者手植之不敢望人長十年不相遳觀此叅天
勢莫當東家秃栢偃蹇氣欲盡令我箕踞歎息此樹
傍人間世一何茫茫丈夫宛轉間倏忽生輝光巧命
搏參差奇賢避頡頏扶杖且歸來兄呼醪嫂呼豨犬
嬾洗爵小賴前致辭俱覩百年樹不覩人生百歲時
今日樂相樂何用戚戚纏思悲

東門行

出東門曷不言歸我欲從九夷不齋八月糧未滿十
二駕駒蹄手操蒯緱劍囊裏一束書但趨咸陽道上
鵲啄烏棲竟何之竟何之東有霍家驃騎西有承相
屈釐黃金如山風雨立前安用蒯緱束書為黃金如
山風雨立前安用蒯緱束書為咄女從九夷咸陽道
上生不支

又

遙睇城東陌冠蓋鬱崢嶸主稱且盡觴客辭不勝情
徒御亦相屬昵昵作私聲古來涕淚地春草不易青
生年未期百過跡在長征撫悼髀肉消擲悼鬢髮星

白日為風雷皇乾乍冥冥居人恬卧起道途失精靈
孤矢固疇志垂堂母乃輕

却東西行

黃鵠從東來飲啄且褻細不知將何意延頸向我啼
渺渺行役子三載客東浙將托千仞風及我萬里歸
聳身從之去扶搖不支持一舉決雲漢再舉歷天池
歛翼下置我乃在弱水西弱水浩茫茫終古日月迷
願邇更成遙為恩亦何施不願故鄉歸不願黃鵠來
但願得美酒日進百千卮

秋胡行

寒暑易遭天地難為仁寒暑易遭天地難為仁重華
作相焉宥四臣周公雖聖不得親親魯用仲尼曷利
壬人歌以言之天地難為仁一解

書夜相欬日月難為明書夜相欬日月難為明幽谷
蔀屋伏陰卒萌象共滔天水土是馮岳薦何重帝言
何輕歌以言之日月難為明

二解

七雄鬪驅英佐亦何多七雄鬪驅英佐亦何多等智
齊力卒莫相加老驥皂伏致遠者駕豈必中才逢數
則哥歌以言之英佐亦何多

三解

脩辭曷量顯者自為工脩辭曷量顯者自為工等彼

鴻鵠啖霄則雄世無太師孰采民風槐里渺邈曷折
充宗歌以言之顯者自為工四解

俗累易損九州不足居俗累易竭九州不足居道逢
僂長自稱安期手執大藥其甘如飴謂女憤嫉秘莫
肯貽歌以言之九州不足居五解

孤兒行

孤兒來乞食一何慘悽問汝父兄何之長跪答言父
為酒泉太守匈奴來渡貳師入酒泉血肉付梟與鴟
有一老胡繫我母馬蹄倏忽不見隱隱聞啼兄行賈
海南十載不得歸人云鯨波山立而血人安能遠相

期孤兒中氣咽不復更致辭我有七首贈女令從材
官雪女仇迫暮無食窮冬乏衣形容皸瘃盡手足自
相掣黃泉漸邇白日易晞父仇雖重焉能奮飛

苦思行

帝母治金天戴勝光陸離弱水中間隔安能奉僊儀
感此青鳥音電轂下瑤池遣信要上元飄飄雙玉衣
再拜前致誠乞取五嶽之真形謂女胎性多淫殺母
為慕長生栢梁亘穹霄宇宙正佳兵北風淒淒白日
就冥雖有蟠桃不裁茂陵

當事君行

世經堂刻
卷之五
四
丈夫委質事君薄命多苦辛窈窕不勝冶容靡復奉
清塵鷄皮者婦三少六宮當一身羊車輕薄誰子軋
軋入宮闈桃李乃擅陽春松栢摧為薪已矣殆我歸
歟草莽竟何陳

燕歌行

秋霜肅肅摧庭枯晨風何悲夜鳴譁使妾為邁不須
更况兮類君忽若無為君中夜起躊躇雕欄簌簌懸
珍珠二十八宿羅天衢欲明未明焉所如君當為龍
妾雲俱衡飈在天忽驅之西流之蟾東飛烏樂往憂
來不相虞盛年冉冉辭人祖裁吟代哭中成吁安能

為情自卷解

其二

白日晚晚夜何其蘭缸耿耿照妾悲帶長髻短中自
支妾人少年工愁思憂來無方不可治丈夫棄孤誰
製之誰令璆然不下帷鴻鵠雙翻復為誰援琴奏絃
歌和詞宮柝商促指間離白葛中裙衫弋綵念君寒
暄併一時南山喬松青不移雖有中堅色難期願君
歸來及時歸

妍歌

今日樂相樂與君恣游遨霞車扶飈御天酒汎星匏

安期羞大棗。阿母薦蟠桃。王子奏玉笙。夫人擊雲璈。
月姊將明鏡。天孫奉織綃。雙成扶入帳。飛瓊脫我袍。
千年為一宴。萬年為一宵。

古八變文歌

秋風何憐慄。惡我羅裳衣。書短不成匹。中夜理鳴機。
晨風俱南翔。熠燿竟何之。皚皚枝頭霜。隱隱上蛾眉。
盛年忽已過。游子安用歸。

同聲歌

今夕復何夕。得奉君子歡。明燭在高室。三星燦以爛。
色飲不逮終。禍結自成寬。綢繆非一狀。要約故萬端。
感君纏綿意。報以中心肝。願為黍與臠。奉君朝夕餐。
願為縞與絺。備君衣中單。二候願多夕。三時願多寒。
金石有時泐。中懷長不刊。鳴鷄何咿喔。北斗漸闌干。
欲起復彷徨。人生會面難。

妾薄命

西家豔女羅敷柔。肌金城土酥。皎若清冰玉。壺雙波。
灑灑晴臚嬌。啼芙蓉露珠。吹氣蘭醒蕙。蘇頭上倭墮。
俄俄暖金雀。釵婀娜。鬢雲對侵翠。蛾湘裙十二。織羅。
衣袖無風自皮下。隱雙蓮。繡鞞柔荑飛。梭涼黃織成。
比翼鴛鴦嬌。歌激塵繞梁。浮雲如掣。不揚妙舞。婉盼。

生光四坐粉黛摧藏十六狂且見求要耿微言不酬
黏竿挾彈遨游涼颺脩脩葑凋徘徊顧影無傳畫永
更長歲脩東隣冶容少年娶婦曷莫黜顏怨耦等誹
齊憐目成色授神傳沈吟却行不前命矣夫復何言

短歌行

置酒中堂伐絲比簧酒以益歡志人慨慷慨慷生跡
類此繁響盈盈在耳忽忽淪徃灼燁其華朔凋春敷
所並枝葉不作根株勞我以人伊何莫遐天地偶爾
逢之者嗟仰窮二曜高不得掇頰即大壑深不得沒
王喬安期服食難量錮茲委蛻僅三千霜

長歌行

軒皇億萬紀三光恒若斯人生百年內譬若朝露晞
前者吾不作後者亦焉知平生異榮賤塚墓識為誰
華椽及膏畝安得遂相携托體於子孫痛痾各自支
株株同根蒂葉葉自輕離蒙莊等彭殤終復脩文辭
尼軻固隨化垂言亦庶幾

又 答于鱗

昭昭陽春色令我好容姿度草各自驕誰能念先萎
秋氣發鳴蟬噉噉多伏悲逝水但知東逝日但知西
人生堅強志乃欲與時違

其二

蜿蜿雲中龍，燁燁雙飛翼。扶持日月車，周旋於八極。
中有芙蓉冠，蛾眉何脩淑。眇我若舊歡，貽我藥五色。
顧戀塵中樂，徘徊不能食。曠劫不再逢，怊悵安所即。

其三

白露秋澄澄，溥我挂樹林。愁思中夜發，披衣不逮衿。
晨風無停號，蟋蟀時再吟。舉頭見明月，低頭淚泫靈。
朔月萬里光，妾人萬里心。願為隨光去，萬里不能任。
北井自漿南斗為我斟，言欲解我憂。憂來一何深，

相逢美少年

相逢美少年，俱在洛城東。繡轂珊瑚鞭，驅馬若游龍。
華鞞臂蒼鷹，馬後好妖童。周道不肯分，呵叱爭如風。
各言父兄業，不獨誇身雄。小吏二千石，大吏至三公。
男當執金吾，女當備椒房。鐵券恕十死，金書尚煌煌。
壁藏亡命俠，睚眦不肯空。行旅為地有，居者起相從。
不覩少年爭，安知富貴功。

皇都篇

皇都麗宮闕，栢梁復建章。列宿散金鋪，馳道絕天閭。
車聲屬旦暮，馬足浩縱橫。承相東閣開，冠蓋倏成行。
不愛承相憐，但愛侍中郎。宇宙銷黃金，大海為鑪缸。

風雷白日變精靈俱走藏昔日平津館今為鬪鷄場

長干行

上客酒莫傾請聽長干行長干十二高樓天矯若飛
虹迴飈却簷楣赤日眩雕甍樓中何所有嬌女字傾
城五尺明珊瑚覩者無不驚姊妹不得驕父母不敢
高聲流盼灼朝霞緩齒蘭芳生頭上金雀釵一一銜
珠璫腰間瓊璫珮行步中宮商鴛鴦生不識繡出使
成雙十五嫁小吏小吏焦仲卿三朝上府牘四夕踐
府更府公拮据不得寧十五休澣期中厨刺刺宰猪
羊不見小吏還乃過却鄆倡却鄆倡善為豔不可方

長干女守空房我我鳳凰橋馬見飛且鳴森森天河
水指影竟無形女身既已非為婦空得名恒恐容華
變薄命委秋霜温衾不甘暖涕淚沾衣裳

白頭吟 用本事本調

南山有匹鳥自呼為鳳凰雖復具五色不能顧其雙

一解昔者呼鳳皇鳳皇不成雙今者呼鳳皇鳳皇意不

求皇 二解昔求一何難今飛一何易今去呼不來昔

來推不去 三解新人芙蓉花舊人芙蓉枝新人山作

眉舊人雷作眉 四解妾無百種態是君當心際妾無

百種嗔是君心外時 五解林上五絃琴一絃今一心

世經堂刊

新絃終須斷舊絃不可尋六解

苦寒行

驅馬度陰山積雪何茫茫疾風四隅來馬首浩縱橫
高原無傳跡顧影僅為雙孤獸索其群棲鳥向陽翔
寒暑客路深况乃異戎荒沈懷幽閨婦玉筋啼紅粧
旭日未及旦軋軋溢流黃年命不在已安能顧匹方
人生今失職歲暮問他鄉

怨歌行

啼不必溯風而振柯淚不必決溜而傾河中心自掣
鬱五情竟焉他吾顧松與枯衆視等春華冠裳為徽
纏文語強相加隨涉詰扶柔弱橋試鯨波操者竟何
言他人其柰何念欲開耳目周體悉塵沙自非洪喬
質焉能凌紫霞

怨詩行

忠臣不可為良臣不可求李牧却秦師功多竟不侯
朝讒進郭開夕骨委荒丘千金賣社稷舉宗托仇讐
蒙恬破匈奴挾箒河南牧長城五千里雉堞如雲浮
趙高從中制片紙下沙丘扶蘇掩袂啼一劍死陽周
合若投膠漆棄若覆水杯捐脰非所難誰為終國憂
我欲寄此曲此曲多悲思今日樂相樂別後莫相疑

獨漉篇

獨漉獨漉水清泥濁知人惟艱聖哲斯忍蓄豹捕鼠
捷不如狸狐裘施燠曷如絡締燁燁綺羅服喪柰何
郁郁蘭蕙饑後稻禾騏驥千里水用曷神吐綬五色
曷能絲綸豈不懷賢在敵則讐雖有南威外遇莫求
國之云亡恤夫孔壬嗟彼負乘莫非行禽

鳥生

鳥生八九子營巢高樹顛得食不充腹置之咽嗟間
八九子爭向鳥力不能任諸雛毛羽剝落皮骨憔悴
尾畢逋八九子翼以肥各自東西飛老鳥夜悲啼血

繼之八九子爭食喧野田誰來念鳥饑鳥且死願子

莫生鳥但生梟與鴟陛下仁聖海宇咸慶鳥不返哺
莫知故

野田黃雀行

黃雀摩天飛乃遭鷲鳥搏不遇弘農君微物焉見錄

一解

東家張羅網黏竿黏黃雀西家得黃雀置之巾

箱中哺食養毛羽縱之歸大空

二解

何以報弘農

世作三公何以結信緣約指一雙環

三解

道逢白額

虎帖尾復低頭流矢在足心刺刺如有求不忍為拔

矢踴躍登山坳矯為風伯鞭燿為電光流

四解返顧

决一咀皮骨條無存命亦不在大報亦不在恩念此
野田雀氣結不能言五解

鞠歌行

狡容顏誇子都以適師冕同狂且承五絃嶧陽梧構
爨宿火讓焦枯素駒虞搏妖狐擾捷安得同韓盧驥
骨立仰晨舖不邁伯樂竟鹽車鷹揚誰老匹夫徒手
迫暮麓無魚相仲父出囚拘霸齊曷繇管夷吾

君子行

莫以君子交斷絕小人歡小人蓄疑毒君子受其患
鮫蜃豈不雄力能排丘山所遇無完物齒鏗如刀鏗

大造為餘種置之溟海間神龍不羞宅煦沫各相安
所以太丘長廣道以自全惻愴東京客達者悲其賢
上留田

晨興陟彼南岡上留田採薪不得盈筐上留田稍後
食時釜空上留田別室羅酒及漿上留田毳貉為衣
葛裳上留田手足寒燠異方上留田一解中夜暴客
踰垣上留田氣迫不得呼援上留田目中誰耶所恩
上留田捧足鳥獸竄奔上留田二解冒刃者何衛兄
上留田倉卒親踈見情上留田俯肝指心悻營上留
田枯枝離披更榮上留田三解

度關山

度關山詰曲復崔嵬。雖有車畏輪摧十步。五坐泣且啼。啼聲一何悲。疾風吹塵自我後來。回望故鄉茫何覩。前覩黃河水。水流何邊瀾。一夜胡馬過河邊。草如削。河邊草如削。安能更民居。居民尚遠徙。行子欲何之。鷓鴣為好音。豺虎亦規行。四方不識人。未稱第與兄。溫鐵益知柔。茹荼益知甘。平生少自足。臨難追故歡。度關山。那得不沾衣。日夜見去人。寥寥歸者稀。

前緩聲歌

天傾西北一如地之東南。頰仰大造安得兩相兼。猛獸爪牙一何威。欲搏雉鷲不能奮。飛鯨魚跋浪雷奔。馬見走陸若人。王子喬獨身化為鶴。不能挈父母而逍遙。賓客滿堂前。致辭願君福壽與天齊。情知非真實。且為進金壘。

置酒行

置酒高堂上。樂聲慘不發。手抱三鳴絃。檀槽如秋月。此樂名為誰言。是胡中出本。以寫哀思。云何虞賓客。聽曲各稱好。竟令沈懷鬱。繁響赴流光。悠悠浙倉卒。未坐而楚衣。一聽三歎息。

悲哉行

四坐且罷歡聽我悲哉行悲從中心發輕言涕自零
疾風吹難散春陽不能平矯矯南山松屈為虬龍形
干霄自本性焉用美好稱寧為折蕙蘭安為令不芳
但覩連城碎誰覩改其光與世既殊轍各自伸所長
悲哉復悲哉古今尚茫茫

當墻欲高行

墻欲高雉堞何崔嵬室中之藏永無菑躑躅過之不
能竦身而奮飛我謂墻欲高彼謂曷不卑丈夫快舉
事安能兩相全當為讐敵忌莫受親戚憐

枯魚過河泣

魴鯉水中居寄殼於枯魚女欲顧儔匹不能保其軀
主飲過三爵短袖出中厨脯腊無不為還得我時否
枯魚泣寄聲魴鯉太不慈我當無女日女當有我時
大海天茫茫煦沫各相怡但覩長千歲焉覩後來菑

白石歌

白石爛饑為黍饜饜曰干戈杆男何耕生遠戍女何
織生當戶腰鎌牧鷄豚散走不復顧堯舜貌生不逢
湯與武義輪倉皇焉得暮人歟鬼耶悲我伍

補鏡歌四章

樂府唯鏡歌吹不易擬亦不能盡擬後有

四唯名存而辭闕余因為補之亦取其近似而已不能如優孟之抵掌也

釣竿

釣竿青澁澁釣餌一何芬旨且肥小魚疾走不敢回顧大魚施施未大魚恒苦飽小魚恒苦饑大魚既失故小魚施施去乃不知東有屬玉鸚鵡西有鷗與鷺

玄雲

玄雲衡空自西徂東蹶隼承日萬族無光風伯為前導雨師應後馳膏我吟私惠我蒸黎嗟嗟惠我蒸黎天公不任怨亦不任受德縣官大酺懽樂無極

務成

崇伯子禹佐舜平水土告成上皇皇錫之大夏化益佐禹亂天下告成上皇皇屈為夏輔功施既殊等引分安所存吁吁胡至如務成子光乃遽湛翁霜霰自表豎曷捐天地仁

黃雀

黃雀兒頭如栗翅如雙桃葉飛鳴一何翹捷黃雀兒三時常苦饑一不饑得身肥前有網羅不能奮飛嗟嗟生饑曷與死飽充君之鼎俎曷若不利君之耒稻

豫章行

豫章富奇植，掩冉經大年。上摩千仞霄，下蔭百頃田。
飛羽無窺地，棲足莫覩天。精靈若附馮，風雷自縶纏。
東都宏制作，制作首明堂。萬材悉以周，所希在棟梁。
一經匠氏顧，寧辭剪刈傷。毀質應世求，兩重竟何當。

董逃行

仰見東京鬱盤城，郭半摧不完。雖有室家無烟燐，燐
赤燼幾寒。一解道途者何啼，聲父呼他人不應。血肉
雜漉縱橫，夢不覩織與耕。二解旌旄撤，沓虎賁，下有
金紫紛紛青。天無颺，忽塵縣官倉皇局云。三解西京

高帝所方萬戶，荆棘夷傷我。我未央，建章百一節鳴。
蓋藏四解忼矯我，司徒獨任指。體掃除，煥若一氣

昭蘇延敵追，讐大屠。五解

吁嗟篇

吁嗟得為人生世，胡不宜。瞽行適荆棘，側足舍周達。
誰謂八紘廣，束身漸如絲。越舟而向北，齊轆而更西。
眇眇絕窮途，安得展光輝。汎汎江湖萍，預欲遠相期。
明月雖有光，不照濁水泥。與世既殊適，吁嗟竟安歸。

蒲生篇

青青水中蒲，結根何卑弱。其無長年固，所望歸履席。

雖蹈剪刈傷微質終有托恒恐秋霜至百卉坐俱索
榮茂本不偕云胡先摧落感此中爵蒸喟焉芳華爍
君明倘垂照歸除安為薄

煌煌京洛行

煌煌京洛肇跡光武服行共儉奄宅中土天關玉門
以界夷夏外戶不閉中夜行旅一解爰及二宗肅雍
明堂疇其賓者三老五更邑多藏銀函棲贏糧穀實
華冕西京有光二解煌煌京洛常侍燬之燬伊成之
司徒伯始常侍魏袁蠹齧天紀司徒棲棲不郵其緯
三解煌煌京洛董逃仇之仇伊豎之將軍何侯昔彼
董矣卒顛厥室嗟彼何矣自貽伊戚四解

門有車馬客行

上客停輪筐小媚罷流黃小婦出肅客呼水進酒漿
問客何方來客亦不肯言但覩雙荔枝朱實自殷爛
謝客忽唯昔荔枝生南海欲因求歡耗車馬去不待
炎洲翡翠鳥雙雙互相樂寧知鴻鴈苦飛不度湘嶽
善執行

唯昔帝辛任志淫刑三分失二施然自矜一解唯周
王發純心嚮賢諸侯八百虎賁三千二解大白帝辛
小白妲已母言臣分寔示君執三解武庚何聖管蔡

何憐疇無父母疇無季昆四解 桀為不道湯放南巢五解
周有桓文以遏其驕五解 秦政卑臣二世而滅猓
海宇為千秋孽六解 上嚴吳天下嚴匹夫黃屋左纛
曾為而軀七解

又

今胡不樂烹鯉臭鴈箠管嘈雜衆大稱善一解 天光
漸傾咸謂無歸織阿受御嗣其揚輝二解 客有韓娥
僂行曼歌哀激當心涕泗滂沱三解 斯為相國卒霸
秦世晨朝百僚夕送東市四解 錯衣朝衣謂調兵食
忽見前後森如霜戟五解 哀樂矢催當身乃知酒不

速滯日昃之離六解

太山梁甫吟

嵬嵬天門山鬱鬱梁父禪金泥闕玉冊雄光曠昭倩
賢聖七十二其名幾稱見何況於謀臣飄淪同春霰
關里困章裳千秋麗河漢亦有抱膝人居然恬貧賤

吳趨行

上客且緩驂請聽吳趨行太伯讓周王剪髮竄蠻荆
季子守遺節屈體巨後生要離捐肢體伍員抉目睛
豈若被裘子兼復韜其名言游佩端委文學啟休明
負春無凡客門卒亦僊卿震澤含變化大海發精靈

馬類十室邑步趨恒自矜

磐石篇

山石何盤盤水流何濺濺濺濺東流水乃在盤石間
長與本根辭一往竟不還委蛇東到海經過諸神山
巨鰲來戲游日月雙迴旋珊瑚鮫人珠光彩爛糾纏
丹鰓鬚如戟龍炬照神淵曠蕩無終止大壑易淪連
盤石有本性竝立竟何言

白馬篇

白馬西北馳矯若雲中電胡錦貂障泥絡頭珊瑚鈿
片片汗挑花噴嘶赤瓊霞捐身出大漠雄才為君見
祁連春如赭白日蒼黃變所至自無堅騰駝必居先
橫懸單于首馳奏未央殿改從中黃服遂壓天閑翼
首蒼春正饒力疲不成咽遺像在凌烟英風颯然變
亮無百年物得施軀不賤

邯鄲才人嫁為廝養卒婦

高君升高木幽若棲幽谷雨落歸川澤浮雲遂不屬
飛夢謝瓊枝卒為泥中辱西施苧羅村紅顏初殊俗
朝為民家女暮顯吳宮宿趙王有才人皎潔明如玉
一朝事勢異養卒奉相逐兩世當一身榮衰何其促
寄言宮中侶為恩誰終篤

齊謳行

莫以敖辟譏聽我奏齊謳
 右顧枕武宗左負倉海流
 維昔師尚父建冊表營丘
 四履征不庭一鉞奠成周
 烈哉桓公筭首政舉其讐
 九合匪兵車衣食東諸侯
 妖呂蕩氛波炎燼幾不收
 哀王倡大義絳灌始協謀
 九有提一隅三勲占無儔
 亂民矜炙輶養客悲蒯緱
 小惠薄陳常非和消梁丘
 讀詭殺士桃刺促媚姬裘
 鄙矣牛山宴泣涕言燕鳩

十五

騁望平原路鬱葱何所有狐兔不足陳麋鹿宜亂走
 鹿走何迷離血肉俄繚繞饑鷹食不多飽犬食亦少
 馬尾捎歸來驚於退飛鳥

并州山人四部稿卷之五

舟州山人四部稿卷之六

吳郡王世貞元美著

詩部

擬古樂府六十七首

僊人篇

結茅華山顛上有蒼鱗車僊者四五人要我借所如
 遨游天漢上經歷萬里餘人間所見星乃是干白榆
 玫瑰切庭階木難文綺疏不知何宮殿但恠非人居
 呀然珠簾起四角垂流蘇中坐太乙君夾侍青童姝
 飲我丹霞漿令我易肌膚碧藕錯朱桃玉饌芬且腴

天樂不能名。但用窮歡娛。回首望故鄉。妻孥不得俱。
坐此一念謫。聊復在泥塗。疆疇雖歷歷。他姓治田廬。
欲返渺何因。惻愴但含吁。

豔歌行

手種梧桐樹。竹實何纍纍。綠葉間紫莖。玄露自垂飴。
不為游居念。但願鳳皇來。鳳皇不相顧。但見烏鵲群。
爭栖一何喧。逐令為伐倒。此樹烏鵲驚。飛向天悲南。
山五文鳥。自稱為鳳皇。聽此梧桐竹。實千里飛相從。
下覩荒疇。何依百鳥拱之。繚戾而徘徊。烏鵲得志。鳳
皇疇歸。終始失據。曷已心悲。

豔歌何嘗行

生男不為貴。都尉執金吾。生女不為貴。小者號婕妤。
不為家人產。鄂杜千頃餘。不為富第宅。寶玉廁門樞。
鳴鐘會子姓。列鼎薦膏腴。溫爽易炎寒。懽宴亂昏瞶。
醉覆不及塵。妖姬遞來扶。妖姬十四五。顏色勝羅敷。
但願長如是。不願更何如。

折楊柳行

曷不為男子。不覩苧羅村。種蠶兩謀臣。不能勝婦人。
一解 齊謳走孔丘。秦樂逐由余。但施婦人巧。賢聖亦
不如。二解 絳灌及樊鄴。手扶漢天子。匈奴北方來。不

如一公主 三解 東家有匹雛，牝者亦司晨。西家婦女坐牀上，男子拜伏堂下塵。四解

淮南王

淮南王習長生，金七玉鼎琉璃餅。珊瑚抄藥飛雪輕，後屬草木盡成兵。前殿赤節後園輜，軒八公先導之。瑯球瑟瑟相諧鳴，青鸞白鹿雜沓迎。生漢藩不為臣，見上帝稱寡人。守廁三載多苦辛，曷不忠孝位天真。

隴上壯士歌

隴上壯士南安陳，便便腹幹藏千人。繡袍窄袖黃金鱗，雙虹燭耀盤秋旻。大刀蛇矛近輒噴，何來一校交。遂巡蛇矛去腕刀，不神雙言爾驕驄。跡何新，可憐養士同心肝，死者隴上生長安。西次晨風東逝瀾，為爾抵節歌盤桓。

行路難

寒不阿房中春不出輪臺東，輪臺豈無春層水礫。何馬能通策駑馬上，劔閣懸度絙索貫復窮。發白帝下峽江以風目，不得瞬飛不得同。人生本末竟馬岐，積幾累榮各因之。南山有鳥易鳳皇，毛羽剝落便摧藏。行路難君自傷。

又

虎肉同類更向騶虞驕鴻飛大冥鶴鴿招神龜刺促
化陽鱗銷冶干將成鉛刀黃金山重義秋毫坦坦天
衢趨俠邪前車軸折後爭誇不臣縣官臣私家珠非
絡鈎于闐珂意氣悅懌若春花月請十百恒苦饑名
刺漫滅竟安之後衣露脛冠達鬢荆緹一彈幡哉歸
行路難君自悲

又

陸不必車崑崙水不必航扶桑恩愛苟一虧咫尺天
茫茫三殮詣莽蒼其腹猶果然安能殮風吸露窮歲
年縱有王子晉安得日日好容顏出門各自顧他人
肯容悔干言成桃李一言變荆棘白刃如雪金如丘
俠客報恩行報讎不在里巷間多在長安之道周行
路難君自愁

秋閨曲

葯房秋深獸金環美人參差語霜寒深淺自當竟何
言戚戚隼君道途間江有鯉魚我弋山雖欲裁信逝
無還鳴蜩肅然損朱顏蕙草三枯折復捐安得明鏡
長少年

又

三星灼灼照鳴機素腕盈盈出絳帷夫君何在在遼

西夏裁霜衣冬裁絺以此及君猶後時惟昔羅縠迫
參差忽來酒間山嶽移愴若庭前丹桂枝難何榮茂
易何衰

白苧詞

美人含嬌出中堂鳴環飭步齊宮商流目一眄自餘
光恍若輕雲扶太陽娛君青春志意荒白日易短夜
難長絃迫柱促樂漸終鞞鑑掩收意煩忡安能雙駐
酡顏紅

又

美人列行燭明輝絲揚肉奮技爭馳中有織娃字夷
施蘊香含粉天然眉流星迥月秋山低輕絃手語私
念之令君抵節復沈吟悒結心志內不禁安能雙飛
度遙岑

隔谷歌

兄在城中弟在野饑食水寒衣火晝行羅飛夜掘鼠
救我來救我來

弟為官人兄束縛鵲鴿雙飛何刺促一講羅網一飲
啄安用生死長相逐

閩雞篇

雄吹間清鼉列綵冠長筵上客不言央主請更樂端

金駁抗高尾介距何軒軒虛憍爭恃氣竦立怒仍專
星炬閃朱眸颺輪搏雙拳膝血何灘漉我冠圻如蓮
為君效一決微命安足言寧如東郊雉伏竄受人憐

箕山行

唐堯厭九有授舜中復疑顧謂許武仲為我一代治
對坐平陽宮北風吹茅茨武仲仰天笑咄嗟長眉兒
吾寧箕山餓如此天下安用之富貴日以濃志意日
以移老聃長守藏仲尼但栖栖前人自尊後人愈卑
大鵬橫空鷦鷯一枝鷓鴣徘徊誤赫老鷓所憐寂寂
挂瓢意猶有千秋清穎知

華周杞梁行

見林提學談華周杞梁妻事有感於衷遂成一章

華杞感賓車駢刀燦雙纓長驅蕩莒師千里不留行
豈為齊君死肯負隰侯生二發爭寫哀中夜不絕聲
皇天為摧噫百雉拉然崩朋友自有心夫婦自有經
始知乾坤大不勝一寸誠二綽豈不雄惜哉殉淫朋
毋以鴻毛重遂令泰山輕

箕篔篹

公無渡河咨咨河波生鱗公無渡河咨咨河伯不仁

公不知兮渡河而公溺之妾知公兮非茲流誰與歸
嗚呼噫嘻

鷄鳴歌

銀河迢迢星爛爛汝南鳴鷄夜將半行人出門中道
歎欲歸不能何時旦曲陽酒酣起更衣新聲乍移霜
乍飛

輕薄篇

末俗誇輕薄輕薄生有餘驕意盤眼睫貴骨滿頭臚
仲氏二千石伯兄千戶侯小弟頗妍好出入嘗奉車
大母脩成君女姊班婕妤問我湯沐邑鄴杜最上腴
問我無名錢勅賜蜀山鑪從奴衣火浣下客躡真珠
丸金彈飛鳥椎鐵擊珊瑚揮霍和氏璧蹀躞大宛駒
臂鷹出長楸鬪鷄絕九衢帶油雨擊鞞席綺寒檇蒲
調笑採桑婦闌入酒家胡腰間雌雄劍雙雙玉轆轤
一日不出匣中夜自鳴諱破壁藏翁伯罵坐輕灌夫
七貴為低眉將相薄不圖不禮關都尉可怕執金吾
道逢談天者復矜意氣殊千秋若指掌九州不足居
一言無騷雅隻字奪典謨李耳老禿翁仲尼亦豎儒
聲效細旃表立可成唐虞飛書招越裳挾箠鞭匈奴
寧必卿曹子飲啗類屠沽相睨不相下異路請各趨

舟州山人稿 卷之六
世經堂
擾擾兩蜉蝣自貴亦自愚寧知青門士賢豪始同途

夜坐吟

唧唧夜蟲吟起我東西南北心丈夫戶庭間行窮越
鴛度天山高枝肅肅留遠風追我少年及老翁鄰家
有酒沽不得豈須道途凋顏色

胡無人

太白蝕月條支息烟積雪數丈高沒祁連鳥獸蜩縮
不得前窮廬兩三昧星懸單于今何適休屠日逐左
右賢谷彘當戶兩莖韃曷不度漠而南逐水草漢兵
咆哮正當道頗聞置三將軍其一猿臂疾若飛大者
善射習兵機小者號嫖姚天子最親信多神威射生
超乘良家兒祗金浴鐵設長圍六畜安殞馬弱不得
逐歸來祭天金人曷屬胡婦抱胡雛哀哀死喪勢不
復唯有中國萬里長偃兵革皇帝置酒群臣懽樂無
極

東武吟

罷鳥厭離枝罷客厭離鄉聽君行泣復坐訴今戕斷
絕少年腸始從張侯號博望尋源鑿空竟西方問君
何所歷身毒安息大月支問君何所見深目高鼻卷
眉髭其人何所班葡萄汗血香都夷其俗何所尚嗜

利輕殺易漢兒結營勃律河士卒樵汲供炊糜芥米
十指半墮落又有猛獸搏食之經行十三載皮肉消
盡餘音聲音聲固未改舌強亦難明忽覩鬼戔之宮
關不敢遽謂長安城不知張侯見天子何所言獨封
大邑金帛蕃甲第亦軒軒餘者公車門十上不得論
最後稍為郎給錢十萬令還鄉廬井漸非故急欲問
爺孃行逢者舊為相指雙塚累累置道旁新婦逐他
人他人生兒已扶牀對訖始大悲者舊內相疑別時
朱顏復鬢鬢今來其人鬼邪非又聞甘泉宮召按西
邊事鄉導不乏興應須故時吏家鄉空蕩盡枯骨終
遠棄吁嗟哉丈夫功成差足樂不如貧賤傭力作

猛虎行

北山饒風雪東山西山多網羅唯有南山足樵採其
若白額斑文之虎何嗟虎胡乃白額而斑文目為流
電颺若奔低頭前告言汝虎既為百獸之王柰何搏
噬絕其群不見鳥中之鳳饑食竹實衆羽自歸尊神
龍變化豈後汝魚鼈煦沫相和訢虎對之若不聞咆
哮木葉風紛紛但欲得汝充虎腹安用繁辭訢苦辛
天造萬物豈為人上窮決曠下沉淪巧網必遂私其
身况爾同類多相食虎一食人何遽論

東飛伯勞歌

伯勞飛東燕飛西馬頭兒郎機頭妻機聲軋札馬鑿
落願得兩風併吹却織師誤教織鴛鴦令我厭敢向
流黃兒郎三十年尚未珊瑚具裝藕絲轡銀鐙碧篆
溫春霄俱留可憐向誰驕

結客少年場行

玉連錢流蘇障泥瑪瑙鞭經過五陵畔結客多
少年如澠之酒傾肯惜突兀黃金若山積散盡姓名
都不問肝膽但許英雄識扶風夜深雪花白手提人
頭劔君側為君報雙身併擲細看乃是當時客君不
見東家錢刀坐朱紫魏其為朝武安夕如此結交竟
何益

登高立而望遠海行

登高立而望遠海秦王者何二千載阿闕王基竟已
灰瀛洲僊藥空誰采初從梁甫櫃金書七十二君俱
不如已借神鞭驅怒石復張連弩射游魚歸來盡滅
儒生口徐市茫茫竟何有祖龍未朽驪山身亡鹿先
歸赤帝手赤帝諸孫猶不聞文成五利日紛紛請君
試上長安問唯有甘泉一片雲

長相思

長相思望難期美之如花隔深閨輕霜剪蕊凝胭脂
青黃碧綠諸色絲織成鴛鴦心自悲兩心為一心明
月照秋水一心成兩心各懸三千里昔為比翼鳥翼
折不能飛今為雙星界河漢年年夜夜盼光輝

楊白花

宮中小女髻如鴉連臂蹋足唱楊花唱得楊花渾勝
雪不知飄向阿誰家塞北江南望何極銜道藏鴉白
門色沙深日冷不得青獨抱長條三歎息

陽春曲

漢女三千人一一盼陽春花開不見日愁透翠蛾顰
君王雨露在一身那得徧灑東門塵君不見趙家姊
妹玉不如昭陽乍親椒殿踈何况增成班婕妤

雙燕辭

雙燕若雙剪翩翩吳王宮自願同生死歲歲掠春風
吳宮火起焚其雄雌鳴啾啾入棘叢曷不從新鰥翼
物微心重挑不得今春共啣泥以春黃口血灘涎不
如廬江小吏婦猶勝會稽太守妻

于闐採花歌

于闐採花女採花置瓶中三日花憔悴紅顏翻更紅
明年花縱破的應不勝我明年更明年漸不勝花妍

卷之六
世經堂刻

西頭黃金輪東頭白銀轂人生顏色得堅牢何必勃

律河中三尺玉

中山孺子妾歌

中山孺子妾出自君王宮玉蓋墮九天猶能挂簾櫳
不見東家兒邯鄲才人廝養妻朝來繫馬棧生割流
黃帷江姬屈陰姬伸屈伸有奇亦有真犀角偃月為
何人

臨江王節士歌

臨江國城多俠兒翎翹錦鞬冠雄鷄跪推王轂中尉
府中尉府前烏夜啼不如蜩蜚江頭燕猶解啣來墳
上泥夷門少年隱酒屠將身付心心不孤淮南金椎
辟陽顱匈奴偶人射邳都若曹冠鞬胡為乎

山人勸酒

日邇不憚披尋幽淪道逢山人被山衣中酌我葡萄
九醞之美酒盛以瘿藤五華之靈尊盡傾尊中酒為
唱青天歌一歌還一杯柰此青天何踞坐問山人汝
今欲何為行將出山去搏弄造物為嬰兒四皓歸來
皸瘃頭皮赤符自新紫芝已萎羔鴈三至卧龍遂起
行雨不休卒以暘死天施白玉棺生瘞王子喬何如
留此口時進美酒長逍遙欲知出山者我是悔不老

作吳山樵

日出入歌

日出東暘谷赤若赤瓊轂日入西虞淵頽若頽玉盤
空中日稍定團團黃金鏡南陸令我暖北陸令我寒
寒暖嗟自可為汝銷朱顏但見日出入不見日後先
長歌出入歌起我長恨端

結襪子歌

小吏摩足日腐儒結襪時張家兩僮父不復顧腰肢
博得公卿名且為帝王知男兒事事仗人口安用區
區七尺為自斟自咏自老死從他門外浮雲馳

秦女卷衣曲

黃陽宮中漏未央熒熒初月麗初粧此時秦女喚梳
沐此際淚濕羅衣裳邯鄲倡姬秦國母秦王相國耶
鄲賈耶鄲大賈秦仲父仲父舍人秦假父可憐君王
才十五秦女賤趙女驕寄生鳶蘿出松標耐向民間
擊土缶難同貴耶伴吹簫

行行且游獵

行行且游獵遂出光祿塞秦地一掌間黃河落天外
六郡良家五陵豪于闐玉鞭大食刀不愛縣官封博
望自從私客取臨洮盤馬彎弓月相向萬族躡躡鬼

先喪突出霜蹄狡兔先爭看鳴鏑蒼鷹上黃沙一縷
衝紫微角聲四起胡霜飛少年割鮮且莫飲待我生
挾單于歸

採蓮曲

蘭為楫桂為橈青絲箬沙棠舸十五女兒茜紅綃輕
裾明璫芬自飄花深葉高柰何腰中有文鷺並道遙
紅蕩綠的一雙嬌迴眸誇君心語要何意水長不通
橋橫塘別浦多風潮稀星薄露夜迢迢

梅花落

總外梅花落遼西尚未歸霜風吹玉笛寒月滿金微

此際征人幕應同少婦機那堪驛使斷心逐嶺鴻飛
銅雀伎

往事秦雲逝深恩漳水流月歸金鴈冷風至玉衣秋
粉黛年年薄絃歌夜夜愁誰同漢武帝還向茂陵游
其二

奉寢傳遺教分香更繫情履猶明主跡絃是向時聲
寂寞無新故榮華有重輕尚疑僊樂動別院夜相迎
愛妾換馬

只解驅馳易寧言離別難蘭膏啼玉筋桃雨汗金鞍
物喜酬新主人悲戀故歡橫行度遼海那問剪刀寒

夜夜曲

夜夜連枝帳不復知惆悵夜夜同心綺亦復忘歡喜
唯有夢梁州追歡更解愁匡牀涼似水初月澹如鈎

小垂手

小院炎瑤笙紅粧按隊呈都將蘭麝口吹作鳳皇鳴
曲終仍教舞垂手故盈盈詎是長持履臨風驕怨聲

大垂手

秋水剪明眸亭亭出畫樓邀他大垂手不惜錦纏頭
舞罷香無跡歌殘翠未收留髡燭盡滅更與按伊州

樂府變

古樂府自郊廟宴會外不過一事之紀一情
之觸作而備太師之采云爾擬者或舍調而
取本意或舍意而取本調甚或舍意調而俱
離之姑仍舊題而創出吾見六朝浸淫以至
四傑青蓮俱所不免少陵杜氏迺能即事而
命題此千古卓識也而詞取鍛鍊旨求爾雅
若有乖於田峻紅女之響者余束髮操觚見
可詠可諷之事多矣間者掇拾為大小篇什
若干雖鄙俗多闕漏要之庶幾一代之音而
可以備采萬一者故不忍棄而藏之

治兵使者行當鴈門太守

今皇帝時治兵使者任君繇別駕稍遷別駕坐府儼

若明神大吏畏公小吏畏民一解倭奴揚帆來疾如

衡颺殺掠吏士奉首伏逃任君當之數折其驕二解

殷殷師鼓任君在先鎬鎬師金任君在殿止若春風

動則夏電三解士女避敵走不敢開門任君令開門

全活千萬人生我父母存我任君四解入夜不宿或

晝輟餐曹而拊循挾纊一言願與同死不斲獨全五

解賢哉我師任君媪死不歸墨而戎經慈母令子明

君良臣六解輯兵持服舍車而徒老弱奔走巷哭旅

呼家斷一木以像君軀七解天禡王室早就奄迷何

以祠君姑蘇臺西千秋萬年俎豆其間八解

白日引

白日燭天被八方穴鳳藪龍來游翔三事庶尹萬友

邦靡尸不鰥徵俊良將作少府六局坊一切報罷諸

不詳封墓式間直諫彰四門大闢晨煌煌皂囊白簡

紛縱橫單于谷蠡左右王解辨頊頊稱恐惶鯨鯢戢

甲波不揚公卿上壽報舉觴 隆慶天子坐明堂

壽寧泣

何當快樂無憂長兄太師上公小弟太傅徹侯太后

何當快樂無憂長兄太師上公小弟太傅徹侯太后

不避傳姬兩宮睥睨參差中外囁嚅憂疑有妄男子
數人上書告密紛紛緹騎東西逐奔黃金大貝明珠
木難火齊珊瑚散入咸陽賈胡兄弟駢首琅璫太師
奪封道亡小弟殺人坐償念昔蒙恩紫宮左掖夜啟
銅龍亡酒不論淑風君心頃刻萬端何況彼此異天
掩袂飲泣重泉敬謝太后主臣在昔王法無親大德
不德奚論

尚書樂

陽翠眊曳金支馬駸駸車逶迤手將兩黃鉞大者誅
二千石小者僂偏裨九卿班錢日崦嵫相君昵昵前

致辭尚書行出師樂一解所過二千

石喪魂魄日夜輦重稱軍食黃金如山莫譙訶累女

對對嘖青蛾回鶻小隊桃葉歌中丞奉觴舞迴波樂

哉尚書柰樂何一解大宛驄珊瑚鞭天吳繡蹙當胸

盃麒麟玉刻稱腰圍珍任百寶裝千船席捲三吳向

青天九卿班迎晡不得前相君昵昵前致詞中官黃

紙紛而馳尚書告班師樂哉尚書柰樂何三解朝賜

尚書夕讌尚書尚書第中錦不如檀牀八角垂流蘇

紫衣屏息駢街衢欲進不進足次且左右十二波斯

胡平頭奴子貂襜褕醉着不下公侯車樂哉尚書柰

樂何四解雲靈辭天雨洗白日詔收尚書下請室削

之歸一官不得着昔來一何駛今歸一何疾念欲乘
柴車病不得驅欲呼估客舟估客不肯相於嬾女諄
罵小兒拍手擲揄道逢九卿睥睨之謁辭相君相君
新門十二重東流之水西飛鴻昔日父子今華戎樂
哉尚書柰樂何五解

將軍行

婁豬化為龍頭角故不分貪狼長百獸那不食其群
有何短老公自稱大將軍從兵三十萬華蓋若飄雲
尺一丹稜篋細刺蛟螭文一署目下字直入銅龍門
忽開青天笑雷公不得聞碧眼雙胡兒慣騎大宛駒
與公同卧起辮髮貂襜褕朝令謁天子暮令拜單于
單于開篋看中有尺一書織成紫羅輸恰恰覆窮廬
犀毗黃金造密嵌珊瑚珠團龍五色帛百匹為一角
單于大懽喜親為割肉炙小婦彈琵琶大婦奉羊酪
手取一束箭墨文何錯落為語而將軍物微意不薄
箭鋒但相近各各相引却歸還告將軍將軍大懽喜
今年虜却去好復開茅土幕府上功薄兩胡對金紫
鬼伯何催促將軍向蒿里嚴霜一夜零華堂遍荆杞
翩翩執金吾緹騎類魏虎急為發其私丞相下御史

支礫將軍骸分氣十二邊車裂兩胡兒剗肉施烏鳶
紅顏夫人嬾懸首缺旌游白面羽林郎含咽向重泉
小女配人奴歌舞侯家建田園億千疆各自稱新阡
生為衆人恨死為衆鬼憐寄語二心臣貽臭空萬年

越臺高

越臺高高以臨吳會下視珂莪千艘萬艘來不知外
戟如霜炮如雷婦女纍戟底丈夫頭懸戟支遙問乃
是故鄉之人何畏哉遙問乃是故鄉之人何畏哉男
兒生世須黃金令汝捆載歸男兒但得多黃金安用
刺促聞爭為大夫坐越臺中央諸君但坐兩頭織成

鸞毼錦地衣流蘇八角珊瑚鈎酌大酒烹肥牛諸君
但坐兩頭為汝楚歌不得休下有一百二十紅粧琬
枝匍葉搖明璫枝枝玉相對葉葉翠相當銀燭迷離
復昏黃共醉捉大夫不知大夫在阿旁衆中有小女
自名董妖嬈入門拜大夫刺刺重恍恍出門拜大夫
施施重躑躑十疋紅番羅下壓銀後視上有大夫字
但受不得辭鼓曠曠報出日詔書來衆縮瑟大夫咲
謂諸君但坐無所苦長安相君日卓午越城機軋軋
且莫為相君織作何所苦黃金南北走大夫中央卧
御史濡沫不得裯

欽鴉行

飛來五色鳥自名為鳳皇千秋不一見見者國祚昌
饗以鐘鼓坐明堂明堂饒梧竹三日不鳴意何長晨
不見鳳皇鳳皇乃在東門之陰啄腐鼠啾啾唧唧不
得哺夕不見鳳皇鳳皇乃在西門之陰媚蒼鷹願爾
肉攫分遺腥梧桐長苦寒竹實長苦饑眾鳥驚相顧
不知鳳皇是欽鴉

金吾緹騎行

緹騎一何飄翻輕裘怒馬上蘭念欲陸海沈山金吾
府中大難一解城南老姥雌孤生有剪頭吃雞凌晨

出游逮哺乃從緹騎游趨二解教以胡言數言金鼓

縛送統統將至大司馬門太保首功次論三解廷尉

當之五刑血肉模糊吞聲東市烹羊宰牲西市擊鼓

吹笙四解爭賀緹騎還來男子步武崔嵬罷歸拊心

徘徊兒今出入危哉五解

鈞州變

富貴且莫求貧賤且莫憂奉君一卮酒為君奏鈞州
鈞州先王日恩寵冠諸侯斗大黃金壘真人刻上頭
下令黔黎伏上用神鬼愁後宮五百人一一玉搔頭
工作侔尚方永巷儼長秋枚馬不足譚八公日從游

守令惕惕來白事長叩頭御史昂昂來旬月論為囚
 數極終有歸袍至不自謀急風覆破檣天火燒枯柴
 前人抽棟去後人壓空房可憐少年子急利好兒郎
 深宮不足居要走高皇鄉紅粉厭為土改作估客裝
 謬稱平陽騎去狎秦淮倡秦淮歡不足邏騎忽縱橫
 旦夕長安道冠蓋鬱相望中坐中貴人貂裘金左璫
 先收真人壘後奪諸王章昔日甘泉殿千里若咫尺
 今日未央門一叩不復得手種桃李花須更變荆棘
 投書太保府行金承相宅但進不復論杳如海沈石
 四門陳子斗擊令心腸城子又無聲幸幸子逃君

江陵伎

掩泣復沈淪酒謂衆夫人昔忝千乘主安能縛輜輪
 誰言乃公勇千載不復晨但沒從我去存者他人親
 華容慨起舞虞姬絮前陳急風覆破檣疇不餒饑鱗
 天火烧空衆女蘿亦見焚引頸各高懸舉宮向沈淪
 我欲竟此曲罷曲涕泗漣日月與雷霆往往任高天

江陵伎人子掩袂作啼聲家家義簾立送王上臺城
 一解 王欲別太姬門前黃昏催出亦以徘徊入亦以
 徘徊 二解 王入臺城後不省作悲啼粧臺鉛粉驕別
 接洽游兒 三解 朱門一家哭萬家得安宿一家亦不

九州山人集卷之六
哭太姬方噉粥四解門外雙鳥栖啞啞枝上啼官今
當大赦不願赦王歸五解二十四皇孫譬如南隴樹
一半枝撐天半不知爨處六解

白蓮花

白蓮花捧世尊左跪聖母右拜神君蓮花水浴金盆
男女行照之女為后妃男侯王金貂羅紈耀兩行生
當踏玉階死當坐天堂誰為遣汝來丘太師周太師
卻立那顏東西授汝尺一錦纈赤白號帶兩頭垂但
入上谷雲中得好兒郎因依精兵十萬騎一一銜枚
後頭隨天運不在胡台發所謀私反接向市中號呼
眾男女曷不救我為救我死者坐天堂生當踏玉階
忽有一書生眾不識為誰書生從何來乃是闕下上
書男子長流關外醉卧闌闌間夜半縛致之桃李種
山岡蓮花種湖陂刺舟摘蓮花卻折桃李枝東市標
書生頭鼓腫隴使者輶千金賞萬戶侯道傍跌足涕
被面中丞封御史轉承相閣中三日宴

凌節婦行

鬱鬱九里松雖悴不改真五尺無瑕璧是君百年身
明明兩高月不受浮雲侵寸鍊成寸丹是君百年心
膏沐辭鏡臺髮髦盡金剪白雪白雙蛾是君訣時面

九膽佐朝餐當食何大苦雖苦不如汝是君訣時語
昂歲二千石鬻鬻頗有髭橫金照里間是君襁中兒
始諷栢舟篇載陳斷機言應知循吏傳當歸列女編

莫州謠

兄何在南伐吳弟何在北防胡老父何在呼役夫少
婦具晨饋大婦行喚姑行喚姑姑不起溺床下波瀾

小兒謠

木稼木稼胡不日稼

其一

誰謂瓜小而實其李誰謂卵小而大其子

其三

一虎挾兩羊後有乳贖不可當

其四

有蠹嚙棟幾其隳兮吁嗟隳兮子安歸兮

其五

猴而冠者酣耶虎而冠者耽耽耶

乙卯市人謠

日蝕不吐社人奏鼓大婦輟業小婦輟哺昨日之日
汝于何所迴光不矚焉為救汝

舟州山人四部稿卷之七

真郡王世貞元美著

詩部

擬古樂府一百八十五首

瑯琊王歌

小女十四五許嫁瑯琊王新婚呵殿來舊婿趨道傍

其二

女兒年十三手種銀杏樹銀杏已結子問母還女處

其三

瑯琊騎兒馬七尺銀纏駿不能上天去對人呼作龍



其四

十日教新聲呼瑟捧朱筆非無好顏色難事瑯琊王

其五

三錢買屠刀日日將殺猪東家有寶劍七世匣中居

其六

種苗高山顛下蔭松柏樹大姊兒郎妾妹是兒郎婦

其七

要識瑯琊門前有石虎卧黃金東西未及門不得過

其八

人是官家人馬是官家馬原不屬女郎安能不相舍

企喻歌

男兒好橫行橫行自身樂那見摩天鷄結伴尋鳥雀

其二

女子愛粧束粧束頭上釵男兒愛粧束粧束坐下騮

其三

以我大羽筈試君鐵襖襠兩家俱言利那得無一強

其四

饑按兩刃刀割肉行自吞情知饑難忍不擬受人恩

黃淡思歌

歸歸黃淡思百結繫郎衣歸歸黃淡百千結繫郎足

其二

與郎指刀頭明鏡中天流
夕深一夕明鏡化為鈎

其三

黃金將作盃獨飲不得滿
白玉將作床獨眠不得長

其四

床盃忽光輝
郎騎馬歸

地驅樂歌

穹沙大瀦天公糶糊逐得一羊走死一駒

其二

媪愛小女不願女長
長多得夫婿

其三

頭上倭髻珍珠纍
垂要郎解髻妾自解衣

其四

願為郎席不願為被
得郎在身勝郎下膝

其五

郎騎白馬妾坐車
偷眼少年郎不如

慕容家自魯企由谷歌

人言慕容惡慕容
劇不惡鳳皇化鴟梟
生緣好逐雀

隴頭歌

隴水霏微望如一
絲中有百調令人傷悲

其二

將刀畫水水斷不流男兒心腸不在眉頭

幽州馬行客歌

為郎閨中婦不若轆下駒百金買鞍韉十金買轡頭

其二

愛馬有何好馬走千里道郎但不出門那得顏色老

其三

女郎初嫁時日日稱阿母女郎抱兒歸日日稱兒父

其四

郎曾倭墮髮善妾報倭墮髮告知郎非女娘郎無男兒氣

其五

阿母不嫁女阿母故相惱教作繡鴛鴦鴛鴦是何鳥

捉搦歌

阿母三十育五女長作南隣北隣婦野雌遺殼伏雌乳總為他人勞阿母

其二

黃絺作衫繡作裏貧家驅犢當駒使兒郎飽飯坐屋底萬事不理問女子

其三

當門種葵棘蓋井卷毛生睫項垂瘦成長二十不得

送招將倩郎生作梗

其四

銷金中裙翡翠鬢千錢觀僧結因果願奴生身勿再
墮負心兒郎行作我

折揚柳歌

懊惱揚柳枝牽地黃金絲門前不種爾那得管別離

其二

妾腸如車輪日日千萬轉聞郎發咸陽妾已在沙苑

其三

可憐孟諸岍春草綠芊芊虜兒騎漢馬牽着上床眠

其四

莫作中女郎懊懷不可言大姊得蚤嫁小妹得娘憐

其五

下馬繡盤龍上馬金襴襠男兒好光彩只是耀他鄉

其六

牝馬接神龍生兒尚為駒漢女嫁胡雛生兒喚作胡

其七

桃花二三月故愛東風吹阿母不嫁女忘取少年時

其八

桃花八九月樹頭無一枝女兒作阿母不作阿母癡

高陽王樂人歌

男兒但意氣不復論須錢無錢酒家過有錢酒家眠

其二

手携雙雕弧射殺雙飛鳥不將向家去將向酒家胡

雀勞利歌

場禾肅肅雀勞利雄雀嗉飽向天外

二十兒郎太狡僧來如調饑去如掣

讀曲歌

歡擲芙蓉花悴如葦菴草歡不見儂時芙蓉也應好

其二

寶粧千金纒香刻六萌車將歡過南陌見者捋髭鬚

其三

流蘇三重帳歡來不知曙誰遣亂鳥啼恨殺庭前楹
白樹

其四

為歡製衣帶秋風吹瘦儂歡腰詎偏耐

其五

奈何許魚吞熊膽鈎銜苦不得吐

其六

人言歡薄情儂道歡不薄歡家販吳絲新綺是儂着

其七

青菱白板舫絲係雙橋柱儂道殊可憎只解將歡去

其八

竹竿何籬篴湛井不到底歡持眼色去那能復盼爾

前溪歌

鄰家俱種菜儂自種黃葛那得四時寒與歡裁衫襯

其二

竹竿何籬篴上有馨香餌兩魚參差到不知合誰死

其三

儂家十畝竹箇箇青琅玕與郎作怨耦俱作湘妃癡

其四

竹竿何籬篴釣餌何馨香前魚方吞後魚自傍徨
為儂死不妨

其五

沙塘將黃蘗俱是業中味歡真醜師
青陽度

歡愛二月風吹枯作紅紫儂愛五月風吹落
其二

玉勒紫絲韉是郎果下騎到門不肯走識儂
上聲歌

聞郎好新變緩歌為上聲危絃依柱走猶是故時情

其二

日魯黃蜂蠟裏有蘇合油不得郎手擘芬芳中自愁

懊儂歌

百帆珂我頭飛花自在流歡飲宜城酒那得憶揚州

其二

手插桃李樹先祝姝東風歡將盛年去留衰擲與儂

長樂佳

南州翡翠鳥雄來天液池得魚不肯食衙者待其雌

其二

十二金鳳皇一一銜明璫八角合歡帶歡不在中央

歡聞歌

感歡千金贈亦擬報千金數盡人間物無如儂寸心

歡聞變歌

不知歡心變約儂月出時歡自知月晚要接儂家鷄

其二

耶婆不肯睡呼儂到五更歡如樹頭鶻儂似鞦韆中鷹

其三

小妹咲大姊結歡莫作儂東垞鴛鴦橋不見雙飛虹

石城樂

歡來迎石城歡去送石城生憎竟陵水解作兩般聲

三洲歌

龍鬚編作席象牙裝作牀不用儂雙腕那得穩着郎

丁督護歌

督護初北征揮手便作去可憐揚子水畫成死生路

其二

紅羅八角帳摺摺駕鴛鴦嘴懊念丁督護不肯為儂死

華山畿

華山畿天地為情轉生人作鬼妻上有石蓮花是儂

洗頭池

碧玉歌

碧玉好女兒自謙無傾城阿大李家姊枉得佳人名

白團扇歌

郎持白團扇商風來吹袖寧為便拆壞不忍離郎手

明下童曲

結束珊瑚鈎瓦躍果下騮問渠那得爾祖父豫章侯

同生曲

郎年十六少十五女有餘携手西陵下瓊瑤雙不如

採蓮童曲

蓮童白如雪見儂眼相媚儂家在南垞井傍雙楊樹

江陵女歌

流澌結作冰冰化復為澌與郎心相變還我未見時

青陽度

堂前女蘿草纏綿依松栢雖懷千秋契亮無齊年質

襄陽蹋銅蹄

重鎧飛上馬桃花汗金鈴兒是襄陽客助汝下臺城

採桑度

東家乞蠶種西家乞柔桑柔桑蠶尚未得許歡製衣裳

其二

使君停五馬不復顧蠶饑儂不食桑葉那得腹中絲

翳樂

百淬揚州水秦王照膽銅歡今心意變不將持贈儂

那呵灘

郎来如上灘五步三步留郎去如下灘瞥疾不回頭

又

儂歸亦未久歡去俄已遠下水一尺深上篙一尺短

夜黃

鳳皇一雙飛百鳥尊為王儂今粧洗去與歡助輝光

夜度娘

昏星送儂去晨星送儂歸牕前百種鳥為誰不安栖

雙行纏

兩窩尖尖玉秀出金蓮花生憎實地上腕臂作交加

長松標

孑孑千尺藤亭亭百尺松但令根株近到頂作相逢

來羅

並蒂青蓮花下覆雙鴛鴦秋風昨夜來那得似儂長

其二

步出西昌門行經少年道所遇無故物焉得不速老

白附鳩

鄒酒銀絲鯽留歡不肯住鵲洲風浪起歡今那得去

阿子曲

東家挽郎歌西家嫁女哭郎作口頭語那能見衷曲

阿子汝聞否

孟珠

手種天桃花與懽同顏色花若解人意那能不親惜

黃鵠曲

黃鵠摩天來金衣菊為裳唼喋稻禾美不復顧高翔

其二

黃鶴摩天來不及青鴛鴦鴛鴦雖小鳥出入定成雙

嬌女詩

嬌女詩

兩山東西峙一水中間流上有雙棲鳥下有並泳魚
儂自羞見汝抱影守寒廬

接蒲

七尺水中蒲下有三寸白語歡勿盡根留為來年息

壽陽樂

可憐秦淮水送郎舟詎作向西流

其二

篋中辟寒金製成釵故試郎君懷

其三

泥金沙棠舫候郎來春水沒蒿長

其四

織成紅半臂化為碧是儂相思淚

宿阿曲

玉帝投寶壇上清為辟易高真辭牒去收奏不遑食

安東平

荒雞嗶嗶殘月沈魄三三五五小星不沒

其二

慚愧小星導郎歸程要郎指誓言莫負此星

其三

吳絲越羅製郎中裙曷不為衣與郎體親

其四

報儂白玉雙龍連環但令一心不在多端

又

孟冬十月雨雪霏霏入門孤冷出門沾衣

其二

夾河為家期至無船搖心失望不見所歡

其三

交南龍鬚百錢一尺是我手製與郎作席

其四

奉郎坐卧偕郎起息懊懷微軀生不如席

其五

博山沈烟以祈上玄願郎一夕不願百年

青驄白馬

青驄白馬汗連錢來往跣跋驕可憐

琉璃紫鞍光射人倏忽滅沒化若神

有足不作女行纏那可跼蹐守故園

東鄰雙纏鴉頭機生老不踏門前月

馬蹄爍電耳決風何不遣置迎取儂

嬌娘逞嬌不肯行碧幃五步一步停

嬌娘到時不逞嬌銀缸總帷可憐宵

唱者可憐令人陷久唱可憐令人老

共戲樂

玉燭淡淡調化機日月寒暑生四時
梁肉美酒大合讌骨騰肉飛赴流湏
揚袂順風去若輕徘徊顧盼若深情
僊僊妙舞樂未央陛下萬壽民悅康

鉅鹿公主歌

七萌香車五華旆黃犢遙遙出花外
去如流飈不相待餘芬吹塵帖裾帶
鉅鹿公主殷郎妹萬乘玉體慎自愛

烏夜啼

牕前白頸烏雙飛復雙栖不知何懊惱猶自恰恰啼

其二

歡作馬行客妾歌烏夜啼妾啼端憶汝烏啼今為誰
西烏夜飛

撲漱烏夜飛去踏誰家樹歡須無兩翼教住不肯住

女兒子

猿啼一叢髮一變不待出峽鬢如叢
上牢雖遲下牢險玉筋分殘女兒臉

子夜吳歌

采桑長干陌綠葉正絪絪遠駐青驄馬相遺玳瑁簪
不愁無語對歸恐悞春蠶

其二

蘭橈太湖曲垂柳覆金堤香氣時時發歌聲處處迷
殘粧汗欲盡留着可憐眉

其三

姊妹欺相命星前閉洞房携燈挑促織羅襪下東廊
明日爭邀曙釵頭金鳳皇

其四

纏綸衣小閣鸚鵡寫流霞錦瑟盧家女温香玉辟邪
推窓見飄雪驚道是楊花

子夜春歌

雙枕不成起單枕不成眠春風饒冷暖吹作兩種天
子夜夏歌

人言儂多憨儂憨信非一不植春時花要結夏時實
子夜秋歌

秋風擊百卉憔悴無光澤儂能破一笑還儂春時色
子夜冬歌

漫天一夜雪門前解消未憎儂去時跡非關憊儂睡
子夜警歌

並蒂芙蓉枕下壓金鴛鴦教妾成獨自若個不成雙

子夜變歌

長干月爛熳是郎初變時莫為無情點耐作有情癡

七日夜女歌

一夕當一年一年千萬年不那扶桑君驅輪警我眠

長史變歌

莫呼儂作官官今不得脫那能人上死乍可草間活

黃竹歌

黃竹生來黃不煩喚為碧與孃作具籠共誇真金色

聖郎曲

來亦不寂寂去亦不匆匆曲蓋飄婀娜旌旌結玲瓏
不煩宛姨導知他兩心通

白石郎曲

白玉連環與雪等色置郎腕中不辨誰白

青溪小姑曲

小姑出門日射雨繚小姑歸來日抱虹腰

湖就姑曲

湖就赤山足大姑芬於蘭次姑白於玉

姑恩曲

鵠雛二三月毛羽如長離為感姑恩養彷徨不忍飛

江陵曲

江陵城外地處處青樓曲百錢一買醉千錢一買宿

作蠶絲

別儂浴蠶日忽作繅繭時儂不食桑葉腹中那得絲

楊叛兒

六尺龍鬚席尺二虎珀枕甲夜不見儂丙夜不成寢

蹀林歌

雙行馬並白羽蹀林祭天集諸部脯索馳鹵駒餘新

秦家家買胡雛

自君之出矣

自君之出矣不復吐嬾婉思君如車輪腹中千迴轉

浮游花

儂作樹頭花日日波上紅儂作波上花浮游無定踪

武夷深

于嗟武夷一何毒煎飛鳶站站墮人馬前疇能銜恩
貪百年

登樓曲

登高欲窮趣眺望反傷神方悟冶游子無地不宜人

映江曲

杏臉楊柳眉秋江映如靚那能映妾心令君一察識

永明樂

玉燭調五夜金輪馭八方合唱永明樂嵩呼應神皇

春江行

春江浪拍天兩岸吐春烟中流一點黑知是下江船

江臯曲

白浪接天高黑風不斷號報郎輕舳艫不敢向江臯

憂且吟

絲桐在秋色秋色在絲桐一彈鬢已變何煩奏曲終

樹中草

共承雨露恩俱作青袍色方朔與侏儒根柢不相直

越城曲

秦望畫中山若耶鏡中水十家九浣紗為取苧蘿女

從軍五更轉

一更霜月寒歌舞帳中殘酒為壯士膽獨騎斬樓蘭
二更刁斗鳴却比搗衣輕南風好吹去併作斷腸聲
三更月未斜淒切送胡笳天山無草木空聽落梅花
四更山月昏屈指舊從軍白骨年年是何人入玉門
五更聽烏蹄烏是汝南雞閨中雙玉筋點點為遼西

採菱曲

蜻蛉刺水去不復畏歌斜渠自愛菱角儂自愛菱花

江南樂八首

少小閨門住不愛閨門道約伴禮社還羞人道儂好

其二

窓前櫻桃樹纍垂紅鞋鞞儂愛結子時的應賺花發

其三

與歡臯橋別日日上臯橋不比西陵浦唯看兩度朝

其四

妬殺宜城酒夜夜將歡醉昨夜歡不來翻憐醉時味

其五

郎家流蘇帳對對玉蟠螭登車辭阿母強作數行啼

其六

聞歡夜中語輕舟汎若耶興闌須返棹來潑雨前茶

其七

東女日鳴機西女日條桑儂今袖手坐綃綺亦盈箱

其八

芍藥百種花真紅大難得儂家衆姊妹無儂好顏色

估客樂

醉後美人舞落花江上席不是此地堪何緣作估客

襄陽樂

大隄諸女郎粧成出芳閣瞥見千樹空餘花亂飛落

道是避妾粧不信風雨惡

江南曲

儂似吳江水西去不通潮妾如獨活草無風長自搖
安能對閭闔暮暮復朝朝

其二

庭前百合花露冷胭脂赤對鏡理新粧羞他好顏色
從此不簪花恐歡心更易

其三

楊花眠更起飛向阿誰家曲檻青絲箔雕鞍白鼻騮
爐頭無那醉小婦摘琵琶

其四

西湖水似油嫋嫋采蓮舟雙鬟正十五垂手玉葱柔
羅帶飄相近風波可自由

烏棲曲

碧烟作暝月作鈎雙星熒熒對如眸天雞叫昏日吹
海歡娛辭人不能待

其二

城烏啞啞喚春曙只解將啼誘郎去玉籠金索嬌鸚
哥呼郎不來柰爾何

其三

青紗罽羅象牙鞞皎如柔冰浸温玉還君一掬鮫人
珠持將染衣茜不如

其四

寧馨玉兒雲白馬絲鞭軟垂不相捨妾家采菱東渡
頭來徃風水木蘭舟

江南弄

江南百花百般香江南少娃百樣粧百端撩人百念
狂百念狂殊未已千歡盡萬恨起

龍笛曲

蒼君龍嘯波夜沈寥美人如雲袂飄颻歷亂織玉啟櫻

桃啟櫻桃吹楊柳度關山畫回首

鳳笙曲

瑞鑪獸焙蜀錦牀要耿倡鳳復和凰餘音彌彌鬱金
梁鬱金梁宿流烟與女偕逝維山

後採蓮曲

密葉藏艇花迷粧中有清歌逐芬芳隨風去來咽復
揚咽復揚雨繚起摘葉歸忘收子

採菱曲

下裙鶯黃衫藕絲撥蔓纖指玉參差採菱傾筐露未
晞露未晞甘且芳折腰紅持贈郎

朝雲曲

巫雲欲闌接朝日流輝鬪豔無定質若戀如鶯態非
一態非一境將殘擬追尋渺無端

秦箏曲

咸陽少娃十三餘十三新絃鶯不如商偏羽弱調烏
烏調烏烏和慕慕新歡長舊歡短

趙瑟曲

素女留絃清且悲誰其工者邯鄲姬玫瑰貼柱黃金
徽黃金徽白玉管儂意長歡意短

游女曲

雙蛾作眉鴉作髻暎波芙蓉近相媚不買新豐意先
醉意先醉可柰何千金舞百金歌

陽春曲

楊柳窳地萬千絲金堤碧桃花吐萼攀條折花將遺
誰將遺誰心自了人耳多黃耳少

莫愁樂

迳渡碧桃花停鞭白鼻騮客程無暇問先訪莫愁家

弇州山人四部稿卷之八

吳郡王世貞元美著

詩部

三言古三首

秋日于鱗邢州郡齋分韻賦十二體

白日来凄以陰
柅余車將余
衾觀傾國申
同心目流
曠意蕩淫醜
高霞天遙岑
嶺滄海晴窮
林饕者何字
蘭金削嶠嶸
縵空闌林疏
影前四吐無
俱巋萬木飛
變徵音
洪濤走北陸
沈哀預結竟
泊襟

卮語

貴為錄三語應百為客言東飽欲死長三尺饑欲
死東方朔劇中鼠空食也卯有毛馬生角巧抱甕愚
矣穀真漸離假孫叔業公龍浮于鵠矢欲直鈞欲曲
歸去來卧空谷

又

世間事那有此齊國王卒餓死沛亭長作天子歲百
戰垂千祀并六合傳二世劇中人斷君頭堂下客代
君度魏冉走剛成入白起逝安平出呂易羸政傑韋
歇在楚亦如之臣相君竊其母君傑臣弑其父人既
上天亦巧嗒何為日膠擾

四言古十八首

黃河之詩

壬子南使至徐邳間事

黃河南奔疾風北來兩重莫下激而為災萬籟喧呼
三維震顛鷓首戒南風斯忌而亦言戒北河其厲而
悠悠我心曷既濟之誰云利涉不復改轍誰云走峻
不復理楫川平為陸陸滙作澤芄芄禾黍登之場圃
下有守人匿而左顧彼寔自衛曷不疑我雖有季昆
遠不相援雖有雙敵難思共存仰天長歌溲泗汎瀾

西山詩

戊申冬以秩祀行作

朝上西山艱哉嶽峯溪谷多風倏曷而陰矜矜中膚
憊慄緣音十步五步不能見人牛馬却走熊羆號吟
僕夫告痛口舌屈噤脩途無端北陸遵沈道有鼯鼠
結穴何深忽而過我杳不可尋菀菀好鳥栖栖中林
我獨何為偃偻不禁皇命秩祀俾孔之敎肅肅卿相
咫尺爾臨我躬不遑簡書是忱念思惛結眴此高岑

其二

皇命卿士爾徃祗謁夙戒卒事畢禮以發仰眴河漢
如近寢闕欵其狂飈縱以明月絲絲連山與月見沒
戔戔我隊途松栢鬱杌茫茫平原積氣如渤嶼嶼水嘖
忽起飄鶻耳聽騷屑足躡恍忽豈不遄返憫此馭卒

戒詩

行逢宋人狂且見妍雖有夷施為誰朱顏南山之霧
可以隱班埋照韜光其樂閑閑浮雲自逝大化長還
畏壘祀我賢人之間

其二

黃帝肅駕南游具茨襄城之野七聖皆迷慰暨亡途
道逢小兒一語瞭徹拜稱天師豈必大隗治其廢而
足已不遜他人之資

自責詩

赫赫始興紹晉維庸爰啟家族于江之東主組蟬嫣
鬱為大宗改社改邑我祀無窮

其二

諤諤司諫為帝喉舌棠彼晉陵菟裘于越乃啟聞孫
乃脂官轍惟良吳會以下堂稅

其三

世益其滋昇我皇祖厥秩伊何貳卿司馬愷悌君子
民之父母姻族閭里是粥是乳

其四

適發厥祥嚴君奮揚繡紱皇皇被漢及江如冬之日
如夏之霜作屏王畿以承寵光

其五

佳余小子甫離於蒙鳴鹿陪京班鶴上官留是袞裳
而薦雕蟲驛驛秋官方近聿從

其六

嚴君曰咨母女作教母曠女守母好是導母恣狎侮
以賒余誚人亦有言匪疾則藥

其七

嗟予小子胡言弗受般淫於詠沈湎於酒惟我狂簡

一二朋友亦既肆口亦既濡首

其八

小道可觀致遠則非從吏如流狂張若馳薛彼喬山
蹇擬涉之爚彼烈炎徒思炙之

其九

高冠切雲長裾被趾聯臂蹋足遨於都市玄白惟心
雌黃在齒曲突將炎燕雀恬止

其十

天觀閔凶突如來如獫狁孔蕃元戎用驅王錫未終
誰將竹書藪雉羽鳳離於員

其十一

嗟嗟小子越隔千里冠裳其燬手足其胝號曼莫應
呼霜莫起人而得死何所無死

其十二

嗟嗟小子飲息覆盆白日未昭疇為啟昏宇宙雖廣
胡顏自存咎孽寡實招已矣何言

愍生篇

上坐莫噎下坐一言今者食善焉知我酸南山有栢
朝祥暮斤北山有櫟生而叅天何以彈鳥請用隨侯
何以攻革請用吳鈞案編從禽命豹逐鼠謂汝不捷

卒當保汝迷陽升堂國香道傍土杯在玷玉卮汲漿
嫫母扶瑟夷施幽閑師涓教射夢習擊技磁石引金
阿錫禦水揚舫太行騁駿洞庭寄愁九天渺曠無梯
埋憂九淵沈深無蹊千日之外中山曷力百歲而往
司命奚德金丹在口噤不能餐豈無永生逝者實歎
五言古六十二首

萬懷

大禹迷終北黃帝游華胥化城高天表古莽西南隅
陰陽二交氣民人恒晏愉乃知八極外至樂故有餘
沴戾墮中央令我不可居陰謀相攬秘肉攫自紛擊
冥心超形外真得恣所如

其二

矯氏脈季梁任治為衆醫泣者既不肖歌者亦焉知
王孫戒裸葬其友遂因之莊氏等彭殤達人守其規
求化焉能化齊物故不齊萬類日摠紛忘言將庶幾
其三

甲兵被天來朝野無偃居思欲從園綺築塚商山廬
優游終餘日俯仰多所愉恒恐坤維折陵谷蕩為墟
展轉不克謀愴然悟微軀吾聞至人造水火置若無
濁酒且自澆塊然還太初

其四

成季推卻穀禮樂貴戎機范宣讓伯游汰者亦不違
端揖堂皇上疆楚輯衡睢六氏為三家蠶食公室卑
豈惟慚先節晉德日言哀

其五

神龍含夜光千祀自無饑即日甘其帶栩栩未見唾
劉累氣塊結上訴巫咸師大化偶萬形此妍彼寧蚩
兩好各自固焉在相是非

其六

麗姬適晉侯戎車啼粧濕入宮與君歡筐林愧其泣
才人却鄴豔自誇傾城國朝陪君王蔗夕作厠養匹
履榮仍譏賤在約方念適焉知非夢幻役役勞真則

其七

左氏飾繁辭乃在喪其明子長下蟻室述史擬麟經
毋論委質虧所愛千秋名夸翊尺寸長冀與大化爭
無趾笑仲尼桂楫被天刑何況於二生沒齒徒營營

其八

孔德豈不弘匡人恨陽虎參考亦以孚曾母為投杼
平原虛掩涕毛生非溺者古有兩秋胡空驚茂陵女
似是誠有端偶來故無主君子脩冥冥毀譽安足數

其九

堯王茂周武中興振宣謨殷憂歌雲漢雖旱不告逋
山甫寔明哲方召有良幕徐夷既寧只獫狁亦奔徂
人情戒其恒勤思內自渝祈父怨爪牙杜伯蹈淫誅
遂令輪臺詔千古惜終初

其十

秋風殺萬物春氣滋群苗何如謝寒暑不榮亦不凋
老氏薄聖人賞罰日晷晷天地為之端生人安不澆
寄情太始外恬穆日逍遙

其十一

大禹甘旨酒愀然若有懲萬機日空至焉能事尊卑
陶公但湛飲千載自休名貧賤足肆志富貴長營營
黼袞與布衣交伸不可爭

其十二

昔有支無祈佻負百夫力終古腥淮源金鏢時掣搨
貳負殺窳窳帝討羈石室桔荇銅其形千載鬱如腊
中祀無百年滔滔惡焉極宣淫蕩天紀一死事以息
悵然念休代奸人易為賊

其十三

皇王憲天則廣覆物不遺如何旬服外往往雜戎夷

真州山人卷之八
世經堂
羸帝吞六雄揚兵震四垂炎武因遺跡滇嶺悉來歸
雕結襲冠簪左袵改裳衣千古黜其名萬古享其私
善哉太史公謂得聖人威豎儒守一經安能知是非

其十四

渥丹未離色返服豈不早念此有盡年狗彼無窮道
角犢挂遺編春原日游好紫雲西北來慨焉商山皓
為人作羽翼短髮何皜皜赤松罵留侯釣竒汗諸老
處則為遠志出則為小草

其十五

文景體恭儉陳粟俯丘山易世因其資氣欲蓋九紘
栢梁既以灾建章遂造天蜀漢窮材木少府罄金錢
原麓既如髡間井窻不然感此池上翁精靈泣帝前
天心雖仁愛母乃滋倒懸

其十六

蜀有嚴夫子淵博世無儔九州歷其八意者辭帝州
五經亦以四將無廢春秋春秋不忍讀帝州不可游
伐國且問諷君子非所酬是以終巖穴冥心蹈清幽
其十七

四大偶然合六塵遂緣生幻心從茲起空華竟何形
執幻既為幻離幻亦無成積漸由奢摩既得不可名

萬動順其軌杳然空中定靜與寂感吾聞之孔經

其十八

衛人迎婦人上車戒答馬至門教送母戒竈將失火
入室見白曰徙牖妨來者此豈非所言於時未為可
荆棘橫周道雷霆紛來下硜硜小人執君子言不果

其十九

嚴仲怨韓相避之軹深里顧眄屠酤間再生為知己
百金何當道片言殺心起老母既以歸為君報睚眦
闌入白刃林瞥然刺俠累皮面不可跡欲以存其姊
人間捐生士殉名安足齒

其二十

狸力見距山渾夕出肥遺軫軫娛空乘鹿堂嘯息後
念欲耕沃沮妖氛纏四維回首眄天閭沈深叩無期
相柳食九州膏血瀾川坻坐咸不能招俵俵焉所歸

其二十一

步出城西門踟躕中不夷道逢一僊長自稱廣成師
授我一丸藥令我杜德機鏡朱顏凋隕然廢威儀
禽游無語言其默遂鮮辟跡良工豈不珍在璞全光輝
惜哉和氏子三則乃其宜

其二十二

西方有聖人自然坐蓮花脚踏黃金相下照千恒沙
莊嚴先帝釋紛說諸羅義種種明心地安在闔毗奈
奈何浮屠教主不被諸華求因還生障積幻遂成魔
智士達其根愚者將奈何

其二十三

楊朱嗟旅人二婦不相當美好由心造貴賤亦何常
屈平避上官楚材湛沅湘李牧中郭開趙氏血縱橫
俯念千秋感疇能竟其方揖猶登蘭席雖尊故不芳
投壁隕磻階雖碎不移光

其二十四

衰周淪王紀戰伐浩相尋兵戈無寧緒詩書故不任
賈豎亦釣奇王孫折豪情片言雙白璧一字下黃金
雖非吐哺節收名良已深挾瑟華陽宮朱門日沉沉
所以蓬蒿士寧為抱膝吟

其二十五

春秋寧無戰國辭良已脩獲主稱下臣伏劍不相尤
雖靡賡歌代優然見文柔馮軾觀士戲無禮為君羞
况乃杯酒間語笑皆戈矛

其二十六

老父哀龔生天年胡輕擲孫登請中散不能含龍德

九州山人稿卷之八
被裘捨遺金惡在留其跡生名為殺身君平悟真易
二士豈不顯四賢貽余則知白而守黑乃為天下式

其二十七

越石豪貴姿賈氏為密親苟無晉陽操若濡意何伸
深源蒼生望何如渭川濱高卧不克全北伐喪其真
慎始固所貴薄終不足陳狐兔當衢躍豺虎爭嚙人
七尺猶未掩是非遽難論

其二十八

赤水三株樹橫條貫中天金乳何陸離竊窺太乙經
執法不能糾紫微竟何言下土蟣虱臣中夜心茫然

豈無彎弓志腕弱意何宣矯首太陽升胡為向虞淵

其二十九

在天惡疾風飄颻無定期一決土壤口迭宕不支持
強排浮雲出又復拘閔之吹沙蕩青冥日月改光輝
波濤甘湛溺借汝發其私此物何足論但恐傷天威

其三十

吾聞共工氏力欲吞九州餘憤竟何伸舉首觸不周
天為西北摧地為東南浮萬姓棄羸秦項籍首相讐
白骨填函谷灘水血不流雖無君人業千載起雄謀
戰伐浩無終吾生已焉休

雜詩九首

季夏溽火旻出游汗徒御浮雲迴生慘凜然被霜露
戈甲滿道周行留泣相顧胡貊為我讐安能罷遣戍
徃廿三時逸今征匪秋莫死地身獨任馬用親與故
壯恐當軍鋒弱恐棄中路西隣賈人子一充嫖姚部
黃金橐駝裝貲封及千戶瀚海天如赭彼人曾何覩

其二

日予追禍遘徃者奸胡逼時平無二人難起有群策
英英趙司成抗節礪金石庭際秋風生颯然萬象辟
徐卿探亂源楊子杜機逆將相伊呂儔皇仁示微責

大澤喪明珠茫茫不可得斯物返其真吾徒斗間色

其三

甲兵舉世隘貧賤百年輕擾擾時人意馬知肝膽誠
吾貴中心悅何用等浮名澤雲固易變溟渤亦可耕
道苟後三光豈在凋其形

其四

客從東方來車馬何偪側昔者魏其里今趨武安宅
武安高樓臺皇皇徑百尺歡宴迷莫旦黃金為上客
魏其里中人相與歌惻惻以此去時路等彼來時跡

其五

盈盈青閨女皎皎明朱顏迴步惜流影履綦戒前軒
自愛鸞鳳音不聞中堂言君王下長秋掖廷或見
填既憂入宮如復愧黃金妍生業本田桑昏旦勞所
安毀豔以白秘羞同俠邪傳

其六

没人游大壑出入蛟鱷間手持珊瑚樹口噤不能言
務光豈有希亦自湛於淵各顧狗所好焉能兩攀援
道逢衣冠客載擊馬不旋與子行苦殊何用見疑患

其七

公子敬好客高義薄秋旻前堂羅鐘鼓後厨擊肥新
千金一言壽瑣瑣何足云中夜殺聲起鳥獸東西奔
四顧皆荆棘安見堂中賓竭力前衛營乃是爨下人
公子追自咎氣結不能陳恩施豈不廣各自顧其身
平生國士言是非難等倫

其八

步出城西門雕甍橫周絡叢篁上迫天菱藕彌陂澤
問是誰家墅居人答相錯春卉依都尉秋條屬金吾
問姓良欲陳後主恐復殊所遇多故物百歲人焉俱
貧富生醜好來往為親踈茫茫任宇宙何用竟其初

其九

如姬奉王寢公子得兵符君恩豈不深各報狗所圖
秦王幸趙倡子政乃托軀謂為嬴秦祀千載永歡娛
子政自有父趙倡自有夫將心向他人垂死心未孤
冥冥移社稷讐敵安得如微衷亮何叩惻愴以長吁
偶成

秋日感懷

孟秋辭殘暑稍稍澄露晞飛沙來填穴玄鳥逝安歸
行人籌往路還理篋中衣夜永尚易晨白日漸如馳
不惜流光逝所惜來者非玄蟬雖微響哀思竟陳誰
失志在饑寒飽暖不可揮

雜詩為諸生時作

東家有美人日日理紅顏春風愛如花玉立當門前
西家有美人曲跼不成髻脩衣蔽韶質深閨閑茂年
蕩子樂行游共誇東家妍願君棄所知願君重所捐
其二

庭前有丹桂西風吹落花貴者集裊幕賤者泥與沙
泥沙安足悲裊幕安可誇既離本枝固焉能念芬華

身州山人稿卷之八
十五世紅雲刻
母為計榮辱惻惻長自嗟

其三

吾聞上古世純默澹玄始太和漸以散皇綱蕩無紀
皜皜白日內昏風忽然起生人無常滿致福豈在已
馬以一鳴斥鳧以不鳴死生者豈必鳴鳴者豈不生
所以賢達人順時復安貞嗟彼儵與忽無乃榮神形

雜詩六首

歸後有感而作

開卷意不憚躡步臨清池好風從東來披拂中所宜
群植欣向榮誰能安後時踟躕將西暝稍稍見清輝
明月雖投懷不墜中所悲非因一尊酒疇為蔽余思

其二

萋萋谷中蘭素質何歲蕤仰不覩天日敢望雨露滋
雖或微芬發寂寞聊自知蕭艾升君堂左右爭光輝
與子固殊途安用迫相疑

其三

謾謾庭際松一生恒孤植幸以斤斧餘風霜時摧擊
亮無棟梁具又乏桃李色安能媚春陽為人事雕飾
去去勿復言歛分終山澤

其四

班姬奉壇成術理甘曲跼寧知道歲晏商飈粟寒玉

李平一侍兒咳唾黃金屋朝矜賜膏沐夕矜薦絲竹
勿讒統扇歌此歌本當哭

其五

山鷄具五色毛尾長離徒顧影殊沾沾鳳皇當如斯
不獨時世人婁朱亦見欺栖栖簷際鳧頸秃爪距卑
稻梁不時沾鼎俎偶見遺寄聲於鳳皇何忍亦何疑

其六

采薇吳山阿行行日將夕道逢羽衣子授我藥五色
謂我當服之與天無終極生趣久已淪安能淹茲域
飾巾以待歸留者翻為客顧歎此寸心千載誰當白

讀史有感十二首

漢武善八荒中原亦云蒿神鮫甘鼎腥天馬以遊遨
歸來大受計栢梁造天高赤紱輪臺言黔首息謳謠
肝腑授親臣八柄唯所操鈞戟化為耜大農自稱饒
薄海頌明哲寧知賢者勞

其二

子長眉竒氣必多賢豪游隨身齷齪室間戢影旃子血雋
推轂豈不厯懼為君子羞彊戚萬壘東都帷帳運竒猷
金章耀左貂濟濟十九侯黃屋日以卑炎燼擲洪流
啗劫履霜歎千載有遺憂

其三

秦王睨蒼陽怒若虬虎哮尸者二十七未乃卿茅焦
礪齒肉六雄分甘先尉繚如何雲陽獄王孫中鬱陶
千古感說難逆鱗不可調所以商山客脩焉托漁樵

其四

長卿賦上林將以明得意及乎諫獵書凜然垂堂示
駝騁私所便能無忽神器衆知乘舩危汗輪諍何厲
為謝張大夫曉人當如是

其五

髮四老人漢皇不能致羽翼功既成飄然歸地肺

留侯雖強食未聞更延世蕭傳辭舊恩悵然仇廷尉
矯首前二疏冥冥在天裔寄言風雲者倘來安足恃

其六

文帝錄代來王臣盡朱邸不聞昌武輩遂與絳灌蔭
推朴據細旃節畜貽來軌洛陽一少年志欲揚漢美
毋使元氣漓長者意乃爾

其七

不韋泣醜杯業為釣竒誤橐中千黃金易君十萬戶
李斯泣五刑寔以倉鼠故不見三川守車馬輝衢路
巧畫拙自來利徃名獨汙所以西山客居然一環堵

其八

昨者飲魏其今來客田蚡朝事衛長平夕從霍冠軍
矯矯任與灌用志乃不分何如一歲星濩落金馬門
醉來據地歌去就兩無聞

其九

漢魏世云季王綱日下挽入則領尚書出則揆百寮
陰晴薄太陽曠霽為不消喜怒變斯須威福惟所操
魑魅竊天權雷霆廢其曹大易戒履霜為漸非一朝

其十

武帝陪陰山失得與虜均二李竟不歸漢骨委胡塵

及乎元成世呼韓乃來賓舍館葡萄宮解辯稱外臣
虜運偶成衰上策豈必臻所以外寧懼覲馬思聖人

其十一

平陵朱阿游請劔誅佞臣天怒再為折殿檻不復新
優游平津邸笑謂薛轅君小生欲相吏而我豈其人
所効苟不雙遂擲國士身是以達節者千秋恒自伸

其十二

淳于扶帝私公卿富交游婉戀誰最親丞相高陵侯
一旦淳于敗丞相荷 帝留白簡二十人徃徃中所
雙涌乎應大災君寵外虛優纍纍地印上恩怨同一

千載讀其書令人莫不慕由

金州... 卷之八... 九... 十... 十一... 十二... 十三... 十四... 十五... 十六... 十七... 十八... 十九... 二十... 二十一... 二十二... 二十三... 二十四... 二十五... 二十六... 二十七... 二十八... 二十九... 三十... 三十一... 三十二... 三十三... 三十四... 三十五... 三十六... 三十七... 三十八... 三十九... 四十... 四十一... 四十二... 四十三... 四十四... 四十五... 四十六... 四十七... 四十八... 四十九... 五十... 五十一... 五十二... 五十三... 五十四... 五十五... 五十六... 五十七... 五十八... 五十九... 六十... 六十一... 六十二... 六十三... 六十四... 六十五... 六十六... 六十七... 六十八... 六十九... 七十... 七十一... 七十二... 七十三... 七十四... 七十五... 七十六... 七十七... 七十八... 七十九... 八十... 八十一... 八十二... 八十三... 八十四... 八十五... 八十六... 八十七... 八十八... 八十九... 九十... 九十一... 九十二... 九十三... 九十四... 九十五... 九十六... 九十七... 九十八... 九十九... 一百

